


黃氏宗譜

知號

友世家列傳

集列女節傳





黃氏宗譜卷三


藝文類

世家列傳引

家史氏曰人道首務立身而家國天下均於是乎在
經曰自天子至庶人皆以修身爲本蓋身修則其人
傳人傳而家傳家傳而國與天下俱傳生斯世也不
有其躬何以閑有家示方來師之上九曰閑國承家
小人勿用紫陽釋之謂小人雖有功不可使有爵土
而漢唐取士先問氏籍久矣天下之不可無世家也
三代而下國祚繇遠良由巨室相維人心繫戀不可



卒搖則國與天下顧不以家重哉我黃氏歷傳以來
荷祖宗之啓佑沐累朝之培養立德立功立言載在
史冊非弈葉之裁定則名賢之論列用垂世範以彰
舊德述世家述列傳



列傳

尚書令世家

漢書

公諱香字文強江夏安陸人也年九歲失母思慕憔悴殆不免喪鄉人稱其至孝年十二太守劉護聞而召之署門下孝子甚見愛敬香家貧內無僕妾躬執苦勤盡心奉養遂博學經典究精道術能文章京師號曰天下無雙江夏黃童初除郎中元和元年肅宗詔香詣東觀讀所未嘗見書香後告休及歸京師時千乘王冠千乘貞王伉章帝子也冠謂二十加冠帝會中山邸乃詔香殿下顧謂諸王曰此天下無雙江夏黃童者也左右莫不

改觀後召詣安福殿言政事拜尙書郎數陳得失賞

賚增加嘗獨止宿臺上晝夜不離省闈帝聞善之永

元四年拜左丞功滿當遷和帝留增秩六年累遷尙

書令後以爲東郡太守香上疏讓曰臣江淮孤賤愚

蒙小生經學行能無可算錄遭值太平先人餘福

謝承

書香代爲冠族葉令况之子也

得以弱冠特蒙徵用連階累任遂極臺

閣訖無纖介稱報恩効死誠不意悟卒被非望顯拜

近郡尊位千里臣聞量能授官則職無廢事因勞施

爵則賢愚得宜臣香少爲諸生典郡從政固非所堪

誠恐蒙頑孤忝聖恩又惟機密端首至爲尊要

謂尙書令

復非臣香所當久奉承詔驚惶不知所裁臣香年在
方剛適可驅使願乞餘恩畱備冗官賜以督責小職
任之宮臺煩事以畢臣香之志誠瞑目至願土灰極
榮帝亦惜香幹用久習舊事復畱爲尙書令增秩二
千石賜錢三十萬是後遂管樞機甚見親重而香亦
祇勤物務憂公如家十二年東平清河奏妖言卿仲
遼等所連及且千人香科別據奏全活甚衆每郡國
疑罪輒務求輕科愛惜人命每存憂濟又曉習邊事
均量軍政皆得事宜帝知其精勤數加恩賞疾病存
問賜醫藥在位多所薦達寵遇甚盛議者譏其過倖

延光元年遷魏郡太守郡舊有內外園田常與人分
種收穀歲數千斛香曰田令商者不農王制仕者不
耕伐冰食祿之人不與百姓爭利乃悉以賦人課令
耕種時被水年饑乃分俸祿及所得賞賜班贍貧者
于是豐富之家各出義穀助官稟貸荒民獲全後坐
水潦事免數月卒于家所著賦牋奏書合凡五篇子
瓊自有傳

家史氏曰公以純孝之本推爲愷惻之用聞風興起
無間今古宜子孫多聞人爲聞宗閎閱之盛古未有
也烏呼我公之澤永永天壤佑啓後人其有艾乎

大外郎鄉忠侯列傳

公諱瓊字世英江夏安陸人魏郡太守香之子也瓊

初以父任為太子舍人辭病不就遭父憂服闋五府

俱辟連年不應永建中公卿多薦瓊者于是會稽賀

純廣漢楊厚俱公車徵瓊至綸氏稱疾不進

綸氏今洛州嵩陽縣

有司劾不敬詔下縣以禮慰遣遂不得已先是徵聘

處士多不稱望李固素慕于瓊乃以書逆遺之瓊至

即拜議郎稍遷尚書僕射初瓊隨父在臺閣習見故

事及後居職達練官曹爭議朝堂莫能抗奪時連有

災異瓊上疏順帝曰間者以來卦位錯謬

易乾鑿度曰求卦主歲術常以

太歲為歲紀歲七十六為一紀二十紀為一部首節置積節首歲數加所入紀歲數以三十二除之不足除者以乾坤始數二卦而得一歲未

筭即主歲之卦也 寒燠相干蒙氣數興日闇月散 蒙陰闇也散謂不精明 原

之天意殆不虛然陛下宜開石室按河洛 石室藏書之府河洛圖書

也 外命史官悉條上永建以前至漢初災異與永建

以後訖于今日孰為多少又使近臣儒者參考政事

數見公卿察問得失諸無功德者宜皆斥黜臣前頗

陳災肯并薦光祿大夫樊英大中大夫薛包及會稽

賀純廣漢楊厚未蒙御省伏見處士巴郡黃錯漢陽

任棠年皆耆耄有作者七人之論宜更見引致助崇

大化於是有詔公車徵錯等三年大旱瓊復上疏曰

昔魯僖遇旱以六事自讓躬節儉閉女謁放讒佞者

十三人誅稅民受貨者九人

按春秋考異郵曰放讒佞郭都之等十三人誅受賂趙祝等九

人退舍南郊天立大雨今亦宜顧省政事有所損闕

務存質儉以易民聽尙方御府息除煩費明勅近臣

使遵法度如有不移示以好惡數見公卿引納儒士

訪以政化使陳得失又囚徒尙積多致死亡亦足以

感傷和氣招降災旱若改敝從善擇用嘉謀則災消

福至矣書奏引見德陽殿使中常侍以瓊奏書屬主

施行自帝卽位以後不行籍田之禮瓊以國之大典

不宜久廢上疏奏曰自古聖帝哲王莫不敬恭明祀

增致福祥故必躬郊廟之禮親籍田之勤以先羣萌
率勸農功昔周宣王不籍千畝虢文公以爲太譏卒
有姜戎之難終損中興之名竊見陛下遵稽古之鴻
業體虔肅以應天順時奉元懷柔百神朝夕觸塵埃
於道路晝暮聆庶政以卹人雖詩詠成湯之不迨遑
書美文王之不暇食誠不能加今廟祀適闕而祈穀
絜齋之事近在明日臣恐左右之心不欲屢動聖躬
以爲親耕之禮可得而廢臣聞先王制典籍田有日
司徒咸戒司空除壇先時五日有協風之應王卽齋
宮饗醴載耒誠重之也自癸巳以來仍西北風甘澤

不集寒涼尙結迎春東郊旣不躬親先農之禮所宜
自勉以逆和氣以致時風易曰君子自強不息斯其
道也書奏帝從之頃之遷尙書令瓊以前左雄所上
孝廉之選專用儒學文吏於取士之義猶有所遺乃
奏增孝悌及能從政者爲四科事竟施行又雄前議
舉吏先試之於公府又覆之於端門後尙書張盛奏
除此科瓊復上言覆試之作將以澄洗清濁覆實虛
濫不宜改革帝乃止出爲魏郡太守稍遷太常和平
中以選入侍講禁中元嘉元年遷司空桓帝欲褒崇
大將軍梁冀使中朝二千石以上會議其禮特進胡

廣太常羊溥司隸校尉祝恬大中大夫邊詔等咸稱
冀之勳德其制度賚賞以宜比周公錫之山川土田
附庸瓊獨建議曰冀前以親迎之勞增邑三千又其
子允亦加封賞昔周公輔相成王制禮作樂化致太
平是以大啓土宇闢地七百今諸侯以戶邑爲制不
以里數爲限蕭何識高帝於泗水霍光定傾危以興
國皆益戶增封以顯其功冀可比鄧禹合食四縣賞
賜之差同於霍光使天下知賞必當功爵不越德朝
廷從之冀意以爲恨會以地動策免復爲太僕永興
元年遷司徒轉太尉梁冀前後所託辟召一無所用

雖有善人而爲冀所飾舉者亦不加命延熹元年以
日食免復爲大司農明年梁冀被誅太尉胡廣司徒
韓縝司空孫朗皆坐阿附免廢復拜瓊爲太尉以師
傅之恩而不阿梁氏乃封邠鄉侯邑千戶瓊辭疾讓
封六七上言旨懇惻乃許之梁冀旣誅瓊首居公位
舉奏州郡素行貪污至死徙者十餘人海內由是翕
然望之尋而五侯擅權傾動內外自度力不能匡乃
稱疾不起四年以寇賊免其年復爲司空秋以地震
免七年疾篤上疏諫曰臣聞天者務剛其氣君者務
強其政是以王者處高自持不可不安履危任力不

咸豐辛亥重修

可不據夫自持不安則顛任力不據則危故聖人升
高據上則以德義爲首涉危蹈傾則以賢者爲力唐
堯以德化爲冠寃以稷契爲筋力高而益崇動而愈
據此先聖所以長守萬國保其社稷者也昔高皇帝
應天順民奮劍而王掃除秦項革命創制降德流祚
至於哀平則帝道不綱秕政日亂遂使奸佞擅朝外
戚專恣所冠不以仁義爲寃所蹈不以賢佐爲力終
至顛蹶滅絕漢祚天維陵弛民鬼慘愴賴皇乾眷命
炎德復暉光武以聖武天挺繼統興業創基冰泮之
上立足枳棘之林擢賢於衆愚之中畫功於無形之

世崇禮義於交爭循道化於亂離自是歷高而不傾
任力危而不跌興復洪祚開建中興光被八極垂名
無窮至於中葉盛業漸衰陛下初從藩國爰升帝位
天下拭目謂見太平而卽位以來未有勝政諸梁秉
權豎宦充朝重封累職傾動朝廷卿校牧守之選皆
出其門羽毛齒革明珠南金之寶殷滿其室富擬王
府勢回天地言之者必族附之者必榮忠臣懼死而
杜口萬夫怖禍而木舌塞陛下耳目之明更爲聳聳
之主故太尉李固杜喬忠以直言德以輔政念國忘
身隕沒爲報而坐陳國義遂見殘滅賢愚切痛海內

傷懼又前白馬令李雲指言宦官罪穢宜誅皆因眾
人之心以救積薪之敝宏農杜眾知雲所言宜行懼
雲以忠獲罪故上書陳理之乞同日而死所以感悟
國家庶雲獲免而雲既不辜衆又并坐天下尤痛益
以怨結故朝野之人以忠爲諱昔趙殺鳴犢孔子臨
河而反夫覆巢破卵則鳳凰不翔刳牲天胎則麒麟
不臻誠物類相感理使其然尙書周永昔爲沛令素
事梁冀幸其威勢坐事當罪越拜今職見冀將衰乃
陽毀示忠遂因奸計亦取封侯又黃門協邪羣輩相
黨自冀興盛腹背相親朝夕圖謀共構奸軌臨冀當

誅無可設巧復記其惡以要爵賞陛下不加清徵審

別真僞復與忠臣並時顯封使朱紫共色粉墨雜蹂

所謂抵

音紙投也

金玉於砂礫碎圭璧於泥塗四方聞之

莫不憤歎昔曾子太孝慈母投杼伯奇至賢終於流

放夫讒諛所舉無高而不可升相抑無深而不可淪

可不察與臣至頑駑世荷國恩身輕位重勤不補過

然懼於永沒負釁益深敢以垂絕之日陳不諱之言

庶有萬分無恨三泉其年二月丙戌卒時年七十九

贈車騎將軍諡曰忠侯孫琬

家史氏曰公言論風旨備載簡冊德業政行被當時

咸豐辛亥重修

施後世卒之日四方名士會葬者七千人非其盛德
風聲所樹烏能至此哉

烈許萬公...

...

...


...

...

...

...

...



陽泉鄉侯列傳

漢書

公諱璇字子炎少失父早而辨慧祖父瓊初為魏郡太守建和元年正月日食京師不見而瓊以狀聞太后詔問所食多少瓊思其對而未知所况瓊年七歲在旁曰何不言食日之餘如月之初瓊大驚即以其言應詔而深奇愛之後瓊為司徒璇以公孫拜童子郎辭病不就知名京師時司空盛允有疾瓊遣璇候問會江夏上蠻賦事副府副本詰公府也允發書視畢微戲曰江夏大邦而蠻多士少璇奉手對曰蠻夷猶夏責在司空因拂衣辭去允甚奇之稍遷五官中郎將時

陳蕃爲光祿勳深相敬待數與議事舊制光祿舉三
署郎以高功久次才德尤異者爲茂才四行時權富
子弟多以人事得舉而貧約守志者以窮退見遺京
師爲之謠曰欲得不能光祿茂才於是琬蕃同心顯
用志士平原劉醇河東朱山蜀郡殷參等並以才行
蒙舉蕃琬遂爲權富郎所見中傷事下御史丞王暢
侍御史刁韙韙暢素重蕃琬不舉其事而左右復陷
以朋黨暢坐左轉議郎而免蕃官琬韙俱禁錮韙字
子榮彭城人後陳蕃被徵而言事者多訟韙復拜議
郎遷尙書在朝有鯁直節出爲魯東海二郡相性抗

厲有明略所在稱神常以法度自整家人莫見惰容
焉琬被廢棄幾二十年至光祿末太尉楊賜上書薦
琬有撥亂之才由是徵拜議郎擢爲青州刺史遷侍
中中平初出爲右扶風徵拜將作大匠少府太僕又
爲豫州牧時寇賊陸梁州境凋殘琬討擊平之威聲
大震政績爲天下表封關內侯及董卓秉政以琬名
臣徵爲司徒遷太尉更封陽泉鄉侯卓議遷都長安
琬與司徒楊彪同諫不從琬退而駁議之曰昔周公
營洛邑以寧姬光武下東都以隆漢天之所啓神之
所安大業旣定豈宜妄有遷動以虧四海之望時人

懼卓暴怒琬必及害固諫之琬對曰昔白公作亂於楚屈廬冒刃而前崔杼弑君於齊晏嬰不懼其盟吾雖不德誠慕古人之節琬竟坐免卓猶敬其名德舊族不敢害與楊彪同拜光祿大夫及徙西都轉司隸校尉與司徒王允同謀誅卓及卓將李傕郭汜攻破長安遂收琬下獄死時年五十二

家史氏曰公當漢季奮不顧身共謀誅卓扶綱常植名教成千古完人洵克繩祖武爲有道曾孫矣

按察公列傳

公諱苾字惠卿其先居江夏之安陸漢尙書令文強
公十世孫晉新安太守積公次子也初官衮州寬以
治民嚴以律軍遷金陵按察時犯盜者數十人有司
具狀公嘆曰苟子之不欲雖賞之不竊吾聞殺一無
辜而得天下不爲况數十人遂寬其讞於是坐盜者
科決有差悉活焉鎮守吳英浦陽人以公仁慈妻以
女會兵亂偕隱浦陽二子居中居正成進士世占籍
焉

家史氏曰崇禎良稼二公嘗輯公遺文釐之成帙爲

後攷今皆逸致事蹟不槩見雖然即充金陵觀之仁
恕足多矣

...

...

...


...

...

...

...

...



郡伯列傳

宋史

公諱螢字子耕隆興分寧人嘗從郭雍朱熹學熹深期之而螢亦以道自任反復論辨必無所疑然後止舉太學進士爲瑞昌主簿兼文思院知盧陽縣五溪獠獷悍螢爲詩論之獠感悅有公事莫敢違通判處州經總制有額無錢俗號殿最綱螢會十年中成賦酌取之閣免逋負錢額鈞等獨以最聞主管官誥院大理寺簿軍器監丞歲餘三遷螢乃不樂閒行西湖慨然曰我昔在南北山一水一石無不自題品今無復情味何耶勾外知台州謝良佐子孫居台者旣播

咸豐辛亥重修

越流落營求之民間收而教之勤苦夙夜先勸後禁
 訟牒銷縮郡稱平治為濟糶倉為抵當庫葬民之棲
 寄暴露者為棺千五百置養濟院入剏安濟坊以居
 病囚皆自有子本錢使不廢故葉適謂營條目建置
 憂民如家遷袁州哭從弟哀甚得病卒所著有復齋
 集

家史氏曰史稱公出任以恤民尊賢為急可謂知本
 嘗從郭雍朱熹學平日之論辨自任者審矣

宋史

宋史

釣隱君列傳

釣隱君者婺之浦陽人諱縈字文綸一字天錫蘄州節度使時崇公億生三子長卽公次殿前將軍犖季大理寺卿犖當昭宗乾寧間董昌爲亂鎮海軍節度使錢鏐斬昌患秀州崇德民稀議徙浙東豪右時億公偕縈犖暨羣從子弟徙崇秀唐亡公仍歸浦陽居雙溪傍樂焉忘機因以雙溪釣隱自號客有勸之仕者公含笑逾時抵板而言子未讀詩乎維曰於仕孔棘且殆彼世路之險巖孰與溪山之逸豫因歌曰灼灼園中花依依溪畔柳扶筇登眺歸漫清尊酒

晝爽網溪魚夜雨剪春韭談笑來鴻儒情話連諸舊
 天子不得臣諸侯不得友際此滄桑世泮奐何所有
 後唐莊宗時連詔不起以同光三年乙酉卒距生大
 中三年己巳享年七十有二子洪唐咸通辛卯生浩晉天福丙申卒
 八孫琚唐大順辛亥生瑕炎琛璞玘琬珍
 家史氏曰鈞隱君潛德素位不求聞達子若孫在在
 成族瀾漫江南何其盛也嗚呼雖年湮世遠遐想音
 徽未嘗不一往而深

陰翳尋厥軌

承遠公列傳

暨陽孝義之有黃氏也自承遠公始公先世婺浦陽人南唐末江南兵起公隨侍分寧還遷剡雙井往來避地過暨陽孝義里樂其山川之幽風物之美民人土俗之醇且饒領之有年遂徙焉嗚呼我黃氏自鈞隱君後五季變嬪止息之地每不再傳輒復去之我公居孝義汴宋以前長養生息涵煦百年二帝播遷擾攘披靡不勝紀而孝義之墟安堵如故子孫駸駸鼎盛德澤人人屹然巨室爲東南望國家維繫非公啓之不及此公諱惠承遠其字兩弟曰信遷姚江曰

咸豐辛亥重修

範遷新昌族屬之盛一如孝義

家史氏曰彤家者言扶輿淑氣鍾生賢喆理固有然

而積厚流光培養根本滋甚尙論我公爲兩得之

公之學也其於宋也而於其養主息而照百千之命辭數

獨有也其於學也其於主息之誠而不再於其公之志


士公之朝且其於公之育乎其於其和也其於其自也

其於其也其於其也其於其也其於其也其於其也

其於其也其於其也其於其也其於其也其於其也

其於其也其於其也其於其也其於其也其於其也

承襲公厥學



衛尉少卿列傳

郡邑志

訂稍

公諱振字仲驤自曾大父惠徙暨孝義太父褒父勝及公累世素封公生而警悟性仁慈尙義輕財好讀書家有樓圖史充棟喜接當世名士三衢劉仲章錢塘葉之奇同郡齊唐輩樂與游先是三人未遇邂逅邸舍握手議論歡若生平留之樓頭寢處居稽無間寒暑資給以時天性然也明道間旱邑里皇皇公嘆曰不能爲天下計寧不可爲一鄉慮遂悉帑藏廩粟周焉嗣以爲常人或愧不卽告每於書樓登望不舉火者遺之粟寒無衣者遺之衣凡喪葬婚娶不支咸

咸豐辛亥重修

有賚鄉之人因目其樓曰望烟識德也公以咸平庚子九月二十一日生熙寧丁巳五月六日卒享年七十有八大理卿古汴陸傅爲之狀配劉詳內傳嘉祐二年子貴封衛尉少卿祀鄉賢三子宋卿舜卿晉卿家史氏曰昔歐陽文忠公謂我黃氏以家貲賑贍好聚書招延四方士按譜累葉家學相承好義相尙信然而少卿公爲最至今孝義樓望烟者志乘載之里閭思之不置云

比部贈公徵君列傳

比部諱宋卿字公輔仲驤公長子也學問充贍洞曉
兵事康定間討元昊詔天下言事公赴闕上平戎十
策仁宗嘉之召試擢第一以郊社齋郎調翁源簿尋
奉詔撫獠蠻唐和納欵治益陽陞潭州觀察判官移
知岳州蒲圻先是蒲圻困於茶課朝廷遣使者更其
法官司畏懼莫敢可否公力爭爲減課歲省數千緡
遠近德公在在立祠終比部員外郎
贈公諱舜卿字醇翁仲驤公次子也約以仁守豐以
義施宗黨族屬有待公舉火者以急難告無不應性

澹泊不樂仕進好閉戶讀書以教子孫元祐六年八月辛亥卒距生祥符七年甲寅享年七十有八山陰陸佃誌其墓子五孫男二十人俱有聲建炎間以三子彥郊恩贈正議大夫禮部侍郎徵君諱晉卿字仕清仲驤公季子也康定中朝廷命韓琦范純仁聲罪西夏公偕冢兄宋卿以草澤應詔上書論用兵利害仁宗錄其言召問有善鑑者謂曰君法應壽若得官則齋於年公即日歸隱旗山不復出後以子貴贈朝散大夫配張氏繼陳氏三子序鉞

永

出將領公對孫叔

家史氏曰比部侗儻有爲以寬民力贈君立達爲懷
克世先澤徵君見機明哲樂永天年吁尙德之儔歟

公之六父母也父徵君曾卿暨諸父昆秀

忠孝仁慈積德行義爲時聞人致位通顯公少有學

術性孝弱冠備伯季遊太學以母氏年高歸養尋授

司封郎中京師失守扈從南遷每以中原陸沉二帝

北轍憤懣宛廬以建炎丁未六月廿日卒距生熙寧

六年癸丑享年五十有五給事傳松鄉誌其墓配新

君石氏封碩人三子徵君徵君徵君徵君徵君徵君

徵君徵君徵君徵君徵君徵君徵君徵君徵君徵君

司封公列傳

公諱鉞字武仲行六十衛尉少卿公振仁壽縣君劉公之大父母也父徵君晉卿暨諸父昆秀羣從咸以忠孝仁慈積德行義爲時聞人致位通顯公少有學術性孝弱冠偕伯季遊太學以母氏年高歸養尋授司封郎中東都失守扈從南遷每以中原陸沉二帝北轅憤懣扼腕以建炎丁未六月廿日卒距生熙寧六年癸丑享年五十有五給事傅崧卿誌其墓配新昌石氏封碩人三子汝礪汝楫汝霖自有傳


家史氏曰嘗讀史周家王業之興積德累仁數十世

咸豐辛亥重修

廿一

三才

知家國一理無二道緊惟我黃累葉以來活人濟困
庶幾不墜至司封公昆秀子弟而駿盛



大學癸丑年平五十年

黃氏宗譜

同姓源中

前封等

出季

長六

公

同姓公

提刑開國文林列傳

考城公附見


提刑公諱庭育原渥字潤甫更字茂達行十七比部
幼子也熙寧間以比部廕謁選與分寧庭堅公爲雁
行時亦以潞公薦改著作佐郎相持汴岸置酒贈詩
元豐辛酉公在里魯直移監德安過浦陽孝義展邱
壟詳派系曉然先世之源歡忘日夕歌詩以誌嗣是
魯直居謫所不復見公終廣西提刑多平反至今嶺
外尸祝云五子第三子九齡考城令金人陷汝鄧沒
於軍

開國公諱彥字子實行十六贈君舜卿公三子也岐

疑力學方重寡言從山陰陸佃學於汝上熙寧丙辰
登徐鐸榜進士授宣城尉移宜興丞元祐間調興化
軍錄事叅軍所至有惠政嘗與文衡同官有以郡守
子囑公正色斥之遷開封尉氏監稅改知處州麗水
俱以循良稱入爲都水監丞尋奉命秦鳳路經略安
撫晉戶部侍郎太中大夫文安縣開國男食邑三百
戶享年八十卒

文林公諱永字謹修徵君晉卿公少子也宣和間入
行取士郡國以公應詔閱辛丑賊黨蔡五吳二等發
東陽公詣鄉師尙書劉公鞅陳安撫之略劉便宜分

兵招諭降者萬九千人以功授文林郎
家史氏曰三公氣卓犖畧不世而出以風流蘊藉論
著前徽慨然寤寐



咸豐辛亥重修
 黃氏家譜
 卷三
 廿二
 三才村堂
 吳許倫制書萬武千人以由文林浪路



宣諭開府國學列傳蔡金集燕書郡邑志

宣諭公諱汝礪字國器司封公長子生而機警藝略
過人少遊太學宣和庚子睦寇亂司封公命還衛鄉
井全活無算語具開府傳明年四月寇平公趨東都
會賊黨蔡五吳二復發東陽道梗公同季父永詣鄉
師尙書劉公韜計畫勒兵諭降進白宣撫使活又萬
人靖康間公在圍城與陳東伏闕陳言二聖播越隨
侍南遷雖張皇困踣公奉司封百折而前五月高完
卽位司封公病劇晝夜調護依依行在閱六月廿日
竟以憤懣死裹尸東呼兩弟逆葬廬墓有年建炎紹

興間金人南牧公從兄九齡沒考城例與廕提刑公
以公勇略聞授永康尉歷陝西宣諭使準備差遣每
進策當宁以議和故扼吭者屢紹興十九年己巳五
月四日賚志歿距生紹聖元年甲戌年五十六元配
羅繼配高子五闔闔閭閻浦城王思忠誌其墓
開府公諱汝楫字巨濟司封公次子宣諭公仲弟也
起家監潭州歷處州司理調臨安鹽筴紹興間移知
浦江公善治獄多平反先是宣和庚子方臘犯境公
瘞珍藏避山谷倉卒遇賊執白旗者前拜視之舊僕
也詢其狀曰衆掠婦女閉索金帛無者戮速去遲且

虜公聞言泣然曰際此末流贊何爲遂謀發瘞金數
萬緡輦其營賊帥義之悉縱還公資之歸無夫與屬
者育而嫁之一夕夢神謂曰上帝以子活人多賜汝
五子登第迨入靖康金人長驅遠近徙者載道公益
發廩粟無虛日浙東西差安以浦江令乞嗣後以子
貴累封開府儀同三司配蔣封吉國夫人乾道庚寅
閏五月二十五日終于里第距生紹聖丙子二月十
九日享年七十有五子八開闔閣閭闡進士闡闡闡
特奏名時人比之燕山五桂荀氏八龍云
國學公諱汝霖字公澤司封公幼子也以政和間舉

公宣和以來寇亂相仍提携奔逸公雖幼言動有識儼若成人靖康間神州陸沉從仲兄講業家園姿性文章宗黨交羨紹興戊午定都臨安立太學公與錫山尤袤三山林棟同預首選稱三俊未卒業而終年二十四後尤與林俱爲聞人悼公之歿也哀詞傳于世

家史氏曰當宋宣和紹興間民不聊生宣諭之諭降開府之贖俘德澤懋焉國學公倘不啻於年其施爲亦不可勝道者哉

宣公開言於然曰烈此未試贊印爲茲焉發滋金

三民崇安文思審計海鹽開國列傳

闕闕附見

軍器監以乾熙壬寅六月一日卒

郡邑志

稍訂

崇安公諱開字必先行千一開府公冢子也遊太學
 登紹興甲戌張孝祥榜進士授歙縣簿調江山丞遷
 崇安令通經術博學好古所著有語孟發揮周易圖
 說孟子辨志麟經總論春秋妙旨六經指南諸史決
 疑暨陽雜俎浣溪文集二百六十餘卷傳世以紹熙
 庚戌三月六日卒距生宣和己亥五月二十日享年
 七十有二崇祀鄉賢弟闈字必昌行千二開府公次
 子也舉特奏各授蘄州黃梅尉歷荔浦丞修職郎以

宣和庚子六月十八日生紹興辛亥十月六日卒
文思公諱閱字必謙行千三開府公三子也與冢兄
開同登紹興甲戌進士授婺州武義尉改監文思院
以乾道己丑三月二十八日卒于官距生建炎丁未
十二月二十四日享年四十有二李耆俊誌其墓
審計公諱閣字必升行千四開府公四子也與兄開
閱同遊太學同登紹興甲戌進士授台州天台尉移
繁昌令調臨安城北都廂改文檢院尋擢諸軍審計
司軍器監以淳熙壬寅六月一日卒距生建炎庚戌
三月六日享年五十有三公才肆應喜讀書雖軍旅

倥偬不釋卷感賊檜之誤國著有百相傳城山集寓
龜鑑焉
海鹽公諱問字必誠行干七開府公第五子由國學
省試別院第一乾道己丑登鄭僑榜進士授衡州比
較務移福州左司理改鎮江府教授轉臨安海鹽令
嘉泰辛酉二月十七日卒于官距生紹興甲寅正月
十一日享年六十有八著拙菴文集二十卷弟闡字
必大行干八開府公第六子占特奏名授將仕郎
開國公諱聞字必明行干九開府公第七子以紹興
丁巳四月十八日舉公性樂易文章下筆千言登紹

興庚辰梁克家榜進士授明州比較務行在打套局
改鎮江府教授移知徽州黟縣尋調吳江改官誥院
簿遷國子監丞兼吳興郡王府教授宗正丞兼左曹
郎太常丞轉司封郎改秘書丞出知永州提舉建寧
府武夷山冲佑觀封中奉大夫睦州開國男食邑三
百戶賜紫金魚袋爲政持大體高孝光寧累朝寵遇
嘗進明良政要二帙鼎慶頌一帙芝堂文集二十卷
宗譜十六卷傳世以嘉定癸酉正月二十六日卒享
年七十有七弟闕字必裕行千十一開府公第八子
也舉特奏各科授寧國府旌德尉歷修職郎淳熙癸

卯八月一日卒距生紹興庚午正月二十七日享年三十有四

家史氏曰我黃當中原板蕩生齒繁庶人文輩出爲東南巨室半壁賴以安讀孝宗御製詩天人之際彰彰明甚

澧州列傳

邑

志稍訂

澧州公諱嘉禮字仲文文林公永仲子也性至孝力學能文以紹興壬子舉進士授處州法曹移西安丞轉淮東江西檢法尋知澧州以母老歸養忽失明公禱於神曰母耄承歡非目不可祈賜之明畢吾事親之日目乃復明後母卒盲如故享年七十有八家史氏曰事親庸行也純孝格天盲且復明然則人子於父母可忽乎哉

于其... 平造

案史... 天首且野... 然限人

女日... 十床八

瓢效... 事跡

辨辨... 養

... 安

... 大

豐州區勢

邑志



元祐公列傳

公諱康國字元祐行百十八爲漢尙書令魏郡太守
江夏文強香公三十六世孫遷剡雙井世重公琬十
世孫暨孝義衛尉少卿仲驤公振六世孫仲驤公長
子比部員外郎宋卿之曾孫穆公之考也性至孝廬
墓花亭不返公與昆季日侍晨昏遂居焉宋宣和間
睦寇亂賊黨東陽蔡五吳二等應之暨陽一帶民不
聊生公因與從祖宣諭使汝礪公安家人老弱於岷
之穀來西川黃石潭今之官員地汝礪公復還鄉井公棲息
久之見外有峯巒四塞之固中涵秋蘆沃野之饒左

泉右原龍孫雀舌可灌可茹遂定居於穀來之姚街
是爲始遷穀來之祖偕配吳氏繼配申屠氏生五子
仁義禮智信三子禮舉孫日太師舜明姚公見而奇
之妻以女徽廟后女弟也二子徽廟文豐廟一子又不
家史氏曰公侍父廬祖墓於花亭子孝孫慈宜大其
宗遷地穀來遂成望族迄今後裔功業文章輝映傳
誌始基之德何其厚耶

示毓公區軒

進士列傳

宋史

公諱庠字長善洪州分寧人博學強記超敏過人初至京師就舉國子監開封府禮部皆爲第一比引試崇政殿以疾不時入天子遣內侍卽抵舍撫問賜以藥劑是時庠名聲動京師所作程文傳誦天下聞于外夷近世布衣罕比也歸江南五年以病卒家史氏曰公以英妙之姿魁奇之學未究所用惜哉

案史凡曰公以英敏之姿總管文學未幾而用辭造
 休爽改封亦卒出此繼以南正辛以歲卒宜大其
 樂曠景報事各終運哀順河外歸文朝歸天不聞于
 宗道顯良無不報人天千靈內封昭琳合壽壽壽以
 重其德也學國千端開性淑懿昭若魚樂一出以信
 公執事字是善其依長寧人對學能信鼓煥盛人味

錄士區聯

宋 史



公叢樞密列傳高繼幹合以法其流其宋西史

公諱廉字夷仲洪州分寧人第進士歷州縣熙寧初
或薦之王安石安石與之言問免役事廉据舊法以
對甚悉安石曰是必能辦新法白神宗召訪時務對
曰陛下意在便民法非不良也而吏非其人朝廷立
法之意則一而四方推奉紛然不同所以法行而民
病陛下不盡察也河朔被水河南齊晉旱淮浙飛蝗
江夏疫癘陛下不盡知也帝卽命廉體量振濟東道
除司農丞還報合旨權利州路轉運判官復丞司農
爲監察御史裏行建言成天下之務莫急于人才願

令兩制近臣及轉運使各得舉士詔各薦一人繼言
寒遠下僚既得名聞于上願令中書審其能而表用
則急才之詔不虛行于天下矣又言比年水旱民蒙
支貸倚閣之恩今幸歲豐有司悉當舉催久飢初稔
累給併償是使民遇豐年而思歉歲也請令諸道以
漸督取之論俞充結王中正致宰屬并言中正任使
太重帝曰人才蓋無類顧駕御之何如耳對曰雖然
臣慮漸不可長也河決曹村壞田三十萬頃民廬舍
三十八萬家受詔安撫京東發廩賑飢遠不能至者
分遣吏移給擇高地作舍以居民流民過所毋征算

轉行者賦糧質私牛而與之錢養男女棄于道者丁壯則役其力凡所活二十五萬相州獄起鄧伯溫上官均論其冤得譴去詔廉詰之竟不能正未幾獄成始悔之加集賢校理提點河東刑獄遼人求代北地廉言分水畫境失中國險固啓豺狼心其後契丹果包取兩不耕地下臨雁門父老以爲恨王中正發西兵用一而調二轉運使又附益之廉曰民腴剝至骨斟酌不乏興足矣忍自竭根本耶卽奏云師必無功盍有以善其後旣大軍潰歸中正嫁罪于轉餉廉詣上黨對理坐貶秩元祐元年召爲戶部郎中陸思閔

茶法爲川陝害遣廉使蜀按察至則奏罷其太甚者
且言前所爲誠病民若悉以予之則邊計不集蜀貨
不通園疇將受其敝請權熙秦茶法勿罷而許東路
通商禁南茶毋入陝西以利蜀貨定俵馬歲額爲萬
八千匹朝廷可其議使以直秘閣提舉明年進爲左
司郎中遷起居郎集賢殿修撰樞密都承旨上官均
論其往附蔡確爲獄改陝西都轉運使拜給事中卒
年五十九

家史氏曰公言事婉不害理直不矯情多中措之施
行國計民生受其福相州獄公固欲以微權挽史以

疵公議其迹未究其心

提舉狀元列傳

郡邑志

稍訂

提舉公諱兌字和之其先浦陽人七世祖珙徙剡雙井三子長曰惠徙孝義次曰信徙姚江季曰範卽公六世祖五季避地新昌遂占籍焉範生表表生丞甫丞甫生延敬延敬生相相生公及諶公生而精敏好學以治平四年丁未舉許安世榜進士授汾州靈石簿邑嚴公教之樹藝民賴以食改撫州團練推官移德州平原調古田縣熙寧中管勾荆湖營田水利檢覈侵漁疏理淤塞遠近便之紹興乙亥提舉浙東立

祠戶祝焉

狀元公諱諶少與兄兌讀書里第第在縣西偏沃洲
天姥南明獨秀四面環拱據一邑之勝因顏其堂曰
拱秀力學其間若將終身熙寧十年丁巳特奏免省
上舍釋褐進士第一人授沂州文學啓迪誘掖各隨
其人天人性命闡發無遺以故其徒多仕顯者
家史氏曰嘗讀志乘載提舉公盡心民務而宣獻之
志諶公有文行以是徵之二公措施誠不負所學云

公諱其哲未究其心

文節公列傳

宋史

公諱庭堅字魯直洪州分寧人幼警悟讀書數過輒成誦舅李嘗過其家取架上書問之無不通嘗驚以爲一日千里治平四年舉進士調葉縣尉熙寧初舉四京學官第文爲優教授北京國子監留守文彥博才之畱再任蘇軾嘗見其詩文以爲超軼絕塵獨立萬物之表世久無此作由是聲名始震知太和縣以平易治時課頒鹽筴諸縣爭占多數太和獨否吏不悅而民安之哲宗立召爲校書郎神宗實錄檢討官踰年遷著作佐郎加集賢校理實錄成擢起居舍人

丁母艱庭堅性篤孝母病彌年晝夜視顏色衣不解帶及亡廬墓下哀毀得疾幾殆除服爲秘書丞提點明道宮兼國史編修官紹聖初出知宣州改鄂州章惇蔡卞與其黨論實錄多誣俾前史官分居畿邑以待問摘千餘條示之謂爲無驗證旣而院吏考閱悉有據依所餘才三十二事庭堅書用鐵龍爪治河有同兒戲至是首問焉對曰庭堅時官北都嘗親見之眞兒戲耳凡有問皆直辭以對聞者壯之貶涪州別駕黔州安置言者猶以處善地爲骫法以親嫌遂移戎州庭堅泊然不以遷謫介意蜀士慕從之游講學

不倦凡經指授下筆皆可觀徽宗卽位起監鄂州稅
僉書寧國軍判官知舒州以吏部員外郎召皆辭不
行丐郡得知太平州至之九日罷主管玉龍觀庭堅
在河北與趙挺之有微隙挺之執政轉運判官陳舉
承風旨上其所作荆南承天院記指爲幸災復除名
羈管宜州三年徙永州未聞命而卒爲崇寧四年乙
酉九月三十日距生慶歷五年乙酉六月十三日辰
時年六十一元配莘老女孫氏封蘭溪縣君繼配師
俊女謝氏封介休縣君一子相庭堅學問文章天成
性得陳師道謂其詩得法杜甫學甫而不爲者善行

草書楷法亦自成一家與張耒晁補之秦觀天下稱
爲四學士而庭堅于文章尤長於詩蜀江西君子以
庭堅配蘇軾故稱蘇黃軾爲侍從時舉堅自代其詞
有瑰偉之文妙絕當世孝友之行追配古人之語其
重之也如此初游瀟皖山谷寺石牛洞樂其林泉之
勝因自號山谷道人云紹興間詔贈龍圖閣學士咸
淳間謚文節

家史氏曰公直道自持浩然自得潞公薦於前端明
推於後聲施亦襁蔑如公者

太史山谷先生黃公行述

公諱庭堅字魯直姓黃氏其先婺之金華人六世祖
瞻以策干南唐用爲著作郎知洪州分寧縣至元吉
始卜築修水上墓兩世於山中遂占籍焉元吉生中
塤一名中理光祿卿中塤生湜朝散大夫湜生庶嘗攝康
州贈中大夫公之皇考也公幼穎悟讀書五行俱下
數過輒憶康州奇之旣孤從舅尙書李公擇嘗過家
塾見其書帙紛錯因亂抽架上書問之無不通大驚
以爲一日千里也治平兩首鄉薦遂登四年第調汝
州葉縣尉熙寧中詔舉四京學官有司考其文章優

等遂除大名府國子監教授畱守太史文公才之畱
再任用薦者改著作佐郎先是眉山蘇公子瞻見公
詩於孫莘老家絕嘆以爲世久無此作矣因以詩往
來會蘇公以詩抵罪公亦罰金直差知吉州泰和縣
改宣德郎泰和難治公以平易近民民亦不忍欺會
頒鹽筴諸邑爭授多數公獨平平耳大吏不悅而民
安之到官年餘移監德州德平鎮序遷奉議郎哲宗
卽位轉承議郎贈五品服乃以秘書省校書郎召入
館未幾除修神宗實錄院檢討官集賢校理逾年除
秘書省著作佐郎朝廷數議除美官爲言事者所梗

不果又遷朝奉郎遇郊當任子舍其子而官兄之子
實錄書成當進一官丐回授母夫人李氏朝廷從之
遂君安康郡公事母孝有曾閔之行安康臥疾彌年
公晝夜視顏色手湯劑衣不解帶時其疾痛疴痒而
敬抑搔之至親滌厠踰浣中裙云遭母喪哀毀過人
得疾幾殆旣還葬因廬墓側終喪先是蘇公嘗薦公
自代其略曰瑰偉之文妙絕當世孝友之行追配古
人世以爲實錄云服除除秘書丞集賢校理同修國
史辭疾乞守太平除宣又改鄂未幾管勾亳州明道
宮紹聖初議者言神宗實錄多誣失實召至陳留問

狀三問皆以實對責授涪州別駕黔州安置命下左
右或泣公顏自若投牀大鼾卽日上道君子是以知
公不以得喪休戚芥蒂其中也至黔寓開元寺摩圍
閣以登覽文墨自娛了無遷謫意俄以外兄作本路
常平官避嫌移戎州公一不以介意與後生講學致
致不怠兩州士人爭從之游經公指授下筆皆有可
觀今上登極復宣德郎監鄂州在城鹽稅改奉議郎
僉書寧國軍節度判官改朝奉郎知舒州又名爲吏
部員外郎辭疾不拜上章乞郡得知太平州到官九
日而罷管勾洪州玉隆觀寓居江夏公風韻灑落胸

襟恢疏初無怨恩談笑嘲謔或以忤物蓋嘗忤趙丞相正夫而不屑也公往嘗作荊州承天院塔記轉運判官陳舉承風旨採摘其間數語以幸災謗國遂除名編隸宜州雖被橫逆未嘗一語尤之浩然自得也崇寧四年九月三十日卒於宜州雉堞之南樓年六十有一大觀三年十一月歸葬於雙井祖塋之西先配孫氏莘老之女封蘭溪縣君後配謝氏師俊之女封介休縣君一男曰相一女曰睦嫁將仕郎舒城李文伯公學問文章天成性得落筆驚天下元祐中眉山蘇公號文章伯是時公與高郵秦少游觀苑上張

文潛未濟源晁無咎補之皆游其門以文相高號四
學士一文一詩出人爭傳誦之紙價爲高而公之詩
尤絕出高妙追配古人冠絕當世視後輝前晚節位
益黜名益高世以配眉山蘇公謂之蘇黃公嘗游瀟
皖樂山谷寺牛洞之林泉因自號山谷道人天下皆
稱曰山谷而不以名字之以配東坡云公楷法妍媚
自成一家游荊州得古本蘭亭愛玩之不去手因悟
古人用筆意作小楷日進日他日當有知我者草書
尤奇偉公沒後人爭購其字一字千金云
贊曰自李杜沒而詩律衰唐末及五季雖皆以比興

自名然格下氣弱么麼骯髒無議爲也宋興楊文公始以文章莅盟然至爲詩專以李義山爲宗以漁獵掇拾爲博以儷花鬪葉爲工號稱西崑體嫣然華靡而氣骨不存嘉祐以來歐公稱太白爲絕唱王文公推少陵爲高作而詩格大變高風之所扇作者間出班班可述矣元祐間蘇黃並出以碩學宏材鼓行士林引筆行墨追古人而與之俱世謂李杜歌詩高妙而文章不稱李翱皇甫湜古文典雅而詩馱不傳惟二公不然可謂兼之矣然世之論文者必稱東坡言詩者必首山谷其然豈其然乎山谷自黔州以後句

法猶高筆勢放縱實天下之奇才宋興以來一人而已矣



宣獻公列傳

宋史

公諱度字文叔紹興新昌人好學讀書秘書郎張淵見其文謂似曾鞏隆興元年進士知嘉興縣入監登聞鼓院行國子監簿言今日養兵爲巨患救患之策宜使民屯田陰復府衛以銷募兵具屯田府衛十六篇上之紹熙四年守監察御史蜀將吳挺死度言挺子曦必納賂求襲位若因授之恐爲他日患乞分其兵柄宰相難之後曦割關外四州賂金人求王蜀果如度言光宗以疾不過重華宮度上書切諫連疏極陳父子相親之義且言太白晝見犯天關熒惑勾芒

行入太微其占爲亂兵入宮以諫不聽乞罷去又言以孝事君則忠臣父年垂八十菽水不親動經歲月事親如此何以爲事君之忠蓋託已爲諭冀因有以感悟上心又與臺諫官劾內侍陳源楊舜卿林億年三人爲今日禍根罪大于李輔國又言孔子稱天下有道則庶人不議夫人主有過公卿大夫諫而改則過不彰庶人奚議焉惟諫而不改失不可蓋使閭巷小人皆得妄議紛然亂生故勝廣黃巢之流議於下國皆隨以亡今天下無不議聖德者臣竊危之上猶不聽遂出修門上諭使安職度奏有言責者不得其

言則去理難復入寧宗卽位詔復爲御史改右正言
韓侂胄用事丞相留正去國侂胄知度嘗與正論事
不合欲諷使擠之度語同列曰丞相已去擠之易耳
然長小人聲焰可乎侂胄驟竊政柄以意所好惡爲
威福度具疏將論其姦爲侂胄所覺御筆遽除度直
顯謨閣知平江府度言蔡京擅權天下所由以亂今
侂胄假御筆逐諫臣使俛首去不得劾一言非爲國
之利也固辭丞相趙汝愚袖其疏入白詔以冲祐祿
歸養俄知婺州坐不發覺縣令張元弼贓罪降罷自
是紀綱一變大權盡出侂胄而黨論起矣然侂胄素


咸豐辛亥重修

嚴憚度不敢加害起知泉州辭乃進寶文閣奉祠如
故侂冑誅天子思而召之除太常少卿尋兼國史院
編修官實錄院檢討官朝論欲函侂冑首以泗州五
千人還金度以爲辱國非之權吏部侍郎兼修玉牒
同修國史實錄院同修撰屢移疾以集英殿修撰知
福州遷寶謨閣待制始至訟牒日千餘度隨事裁決
日未中而畢進龍圖閣知建康府兼江淮制置使賜
金帶以行至金陵罷科糴輸送之擾活饑民百萬口
除見稅二十餘萬擊降盜卞整斬盜胡海首以獻招
歸業者九萬家侂冑嘗募雄淮軍已收刺者十餘萬

人別屯數千人未有所屬度憂其爲患人給錢四萬
復其役遣之遷寶謨閣直學士度以人物爲己任推
挽不休每日無以報國惟有此耳十上引年之請不
許爲吏部尙書兼侍讀趣入覲論藝祖垂萬世之統
一曰純用儒生二曰務惜民力上納其言謝病丐去
遂以煥章閣學士知隆興府歸越提舉萬壽宮嘉定
六年十月卒進龍圖閣學士贈通奉大夫度志在經
世而以學爲本作詩書周禮說著史通抑僭竊存大
分別爲編年不用前史法至於天文地理井田兵法
卽近驗遠可以據依無迂陋牽合之病又有藝祖憲

監仁皇從諫錄屯田便宜歷代邊防行於世壻周南
周南字南仲平江人年十六游學吳下視時人業科
舉心陋之從葉適講學頓悟捷得爲文詞雅麗精切
而皆達於時用每以世道興廢爲己任登紹興元年
進士第爲池州教授會度以言忤當路御史劾度并
南罷之度與南俱入僞學黨開禧三年召試館職南
對策詆權要言者劾南罷之卒於家南端行拱立尺
寸有程准自賜第授文林郎終身不進官兩爲館職
數月止旣絕意當世敝衣惡食挾書忘晝夜曰此所
以遺吾老俟吾死也


家史氏曰史稱公守正不阿進退裕如能推明所學
務引君以當道可謂粹然君子公實無愧



咸豐辛亥重修

四

黃氏宗譜
 咸豐辛亥重修
 四
 三才木堂
 黃氏宗譜
 咸豐辛亥重修
 四
 三才木堂



文獻公列傳

公諱潛字晉卿婺州義烏人母童氏夢大星墜於懷
乃有娠歷二十四月始生潛生而俊異比成童授以
書詩不一月成誦迨長以文名於四方中延祐二年
進士第授台州寧海丞縣地瀕鹽場亭戶持其不統
於有司肆毒害民編戶隸漕司及財賦府者亦謂各
有所憑橫暴尤甚潛皆痛繩以法吏以利害白弗顧
也民有後母與僧通而酖殺其父者反誣民所爲獄
將成潛變衣冠陰察之具知其奸僞卒直其冤惡少
年名在盜籍者而謀爲劫奪未行邑大姓執之圖中

賞格初無獲財左驗事久不決潛爲之疏剔以其獄
上論之如本條免死者十餘人遷兩浙都轉運鹽使
司石堰西場監運改諸暨州判官巡海官舸例以三
載一新費出於官而責足於民有餘則總其事者私
焉潛擗節浮蠹以餘錢還民驩呼而去奸民以爲鈔
鈎結黨與脅攘人財官若吏聽其謀挾往新昌天台
寧海東陽諸縣株連所及數百家民受禍至慘郡府
下潛鞠治潛一問皆引伏官吏除名同謀者皆杖遣
之有盜繫於錢塘縣獄游民賂獄吏私縱之假署文
牒發其來爲向導逮捕二十餘家潛訪得其情以正

盜宜傅重議持僞文書來者又非州民俱械還錢塘
誣者自明入爲應奉翰林文字同知制誥兼國史院
編修官轉國子博士視弟子如朋交未始以師道自
尊輕納人拜而來學者滋益恭業成而仕皆有聞於
世時欲增設禮殿配位四配位合東坐而西向學官
或議分置於左右同列不敢爭潛獨面折之事乃止
出爲江浙等處儒學提舉潛年始六十七不俟引年
亟上納祿侍親之請絕江徑歸俄以秘書少監致仕
未幾落致仕除翰林直學士知制誥同修國史尋兼
經筵官執經進講者三十有二帝嘉其忠數出金織

紋緞賜之陞侍講學士知制誥同修國史同知經筵
事階自將仕郎七轉至中奉大夫旋上章求歸不俟
報而行帝聞之遣使者追還京師復爲前官久之始
得謝南還優游田里間凡七年至正甲午三月卒於
繡湖之私第年八十一贈中奉大夫江西等處行中
書省叅知政事護軍追封江夏郡公諡曰文獻潛天
資介特在州縣唯以清白爲治月俸弗給每鬻產以
佐其費及升朝行挺立無所附足不登鉅公勢人之
門君子稱其清風高節如冰壺三尺織塵弗汙然剛
中少容觸物或弦急霆震若未易涯涘一旋踵間煦

如陽春潛之學博極天下之書而約之於至精剖析
經史疑難及古今因革制度名物之屬旁引曲證多
先儒所未發文辭布置謹嚴援據精切俯仰雍容不
大聲色譬之澄湖不波一碧萬頃魚鼈蛟龍潛伏不
動而淵然之光自不可犯所著書有目損齋稿二十
三卷義烏志七卷筆記一卷


家史氏曰史稱公天資介特蒞官清白升朝挺立無
所附宋濂王禕弟子列稱公命世大儒丁南湖稱公
道德文章無不具嗚呼洵一代偉人歟

咸豐辛亥重修

四

三太木

歐陽文在無不具誠而後入於人規
 黃氏宗譜王時漢千餘年合世大業
 率以六曰與無公天資介於遊官漸白長勝與立無
 三春美氣志小卷學而一善者大夫江兩餘處行中
 便而憫然文自不可不取而善書者且財察錄二十
 大德應管之變勝不幾一集萬更無遺想其善者不
 言言其善其文精亦置勤類其難然以於於難容不
 其史其難其古今因事師與各妙之誠受用曲盡其
 味則者辭之學辭雖天不之善而係之然至誠信沐



孚道公傳併議

公諱胄字孚道行尙十一碑頭端二公之子玉玟公
之父康國公由孝義遷穀來第五世嗣孫也因玉玟
公贅富順而卜居遂就養於富順厥後終天行喪歸
塋於祖山之犀牛耳傳今百數年清明節次富順派
照房輪值賫禮祭奠不料派逆金老因貧盜砍墳蔭
富順派抱恨不平投族理論族長遂玉等以罪不可
恕本欲鳴官究治念伊悔悟知非懲以家法樹歸
家廟服墓消釋卽立合同公禁文約三紙三房各執
一紙以警效尤而杜後患撰入譜中作囑訓後議約

咸豐辛亥重修

附后以警效大而益於人壽中外

雍正十二年十月立合同公裔孫遂三玉謹誌

...

...

...

...

...

...

...

平德公...

文正玉玟公傳

造物無不發之菁華名山大川秀靈是鍾或則爲都會碩彥或則爲鄉邑耆英類皆克自樹立垂諸不朽而於有大陰德者天必保佑而申重之旣栽培於其身猶必眷顧篤厚於其子孫俾光門閭聚國族保世滋大而未有已援古証今往往不爽如溫泉黃君玉玟公者係穀來康國公之六世孫而胄公之令嗣也年少輒有志節不與儕俗伍長老咸器之其初自本正公遷居砮頭至玉玟公已三世而公與富順張氏有親故時往來於張宅鄉之人靡不以其晉接有禮

而善遇之而張公繼六尤喜其狀貌魁梧品質高超有古仁人義士風而幸其尙未有室也因以女妻焉張公家素豐耄而無嗣生女二一適沈氏一則贅公於家者其時張公自念年紀逾邁幸得佳壻以爲依已絕意於似續矣且以謂他人子而未必才何如半子之旣賢遂悉將貲產中分以予二甥自以爲得計焉然玉玟公之心固甚有所不安者竊念岳父年雖高邁精力未衰枯楊不可生梯乎於是屢請續娶而堅不允遂從權爲計私擇德配於各門事成而後告之至是乃不得已而勉從其意逾年而生一子玉玟

公心甚喜以爲今而後無嗣而既有嗣矣徑將所予
貲產而悉還之再三不許而固歸之乃於傍遠隙地
自構數椽攜張太君而與居焉卽今縣縣繩繩聚族
而萃處者乃故里也嗟乎尙義而遠利天下寧有幾
人利人所有百計圖而得之遂據而恐失者有之矣
不寧惟是圖之不得而幸人之弱利人之孤陰謀以
傾覆之遂肆其攘奪者且所在皆是矣以視有而不
據予而不受存亡繼絕脫然無累如公者其賢不肖
相去何如耶迄於今其事邈不可追而流風如昨尙
論之餘無少長咸嘖嘖稱道不衰爲考其世系張公

咸豐辛亥重修

殷皞卽繩六公暮年所得之嗣也其子姓之蕃昌繇
 祀於罔旣者伊誰之賜而公之孝子賢孫松栢旣承
 衣冠文物遂成剡西之望族非公盛德之畱遺安能
 若是之光門閭而聚國族發祥而正有未艾乎如公
 者洵足以垂不朽矣則夫發潛德之幽光於以傳世
 行遠而爲來者勸固吾黨事也會修宗譜爰走筆而
 樂爲之序

時

皇清順治庚子歲秋八月四明史大成拜手撰刻

公心其喜以爲令而於無國而政育國矣豈深復乎

實夫公傳

公諱宗信實夫字行盛八世團昌七公之長子也言
必有信事皆務實不尙詐飾無事浮靡其義行可嘉
不獨搭臺賜穀賑給饑民爲法於里黨可傳於後世
也德配名門王氏太君孝慈淑慎內助賢良相與以
有成者不少舉令嗣三孟守榮仲守富季守鸞悉爲
掌上珠肯堂肯構輪奐聿新似續繁衍馥如蘭桂濟
濟踰七皆克亢宗雖守富至三傳而絕其榮鸞二枝
耕讀並行名重鄉評聲蜚藝苑者不勝指屈莫非敦
信崇實之所致五德五常五福並臻者古難槩見至

公而無遺憾克肖乃祖玉玟公之懿行美蹟誠克家之賢裔也積德累仁翔步天衢流芳玉牒媲美前猷增光祖烈自可佇立而待來茲

皆

皇清康熙甲申歲桂月之吉

翰林大學士任河南大主考鶴臯陳捷頓首拜撰

賞夫公

南松公傳述

公諱守榮字邦顯別號南松號何以松爲哉松筠永
勁四時長青不因沍寒而稍改節故葩經天保篇有
如松之盛之咏以松爲號義取於是公卽欲以此自
勵其志配丁太君丁家園郎中公之孫女也夙承閨
訓克相夫子咸有一德時稱內助之賢公孝親慈幼
和兄弟睦宗黨凡所施爲皆足爲儀表厥後四世孫
媳丁氏乃承策公原配菽水奉姑冰霜勵操節孝兩
全待旌綸綍無愧色進先係丁氏冢嗣默體母心醇
謹孝友交稱里黨實有蔡順江革之風尤足珍者承

簡公與丁太君嫂叔也如姊如弟協力贊勳義方禮
 正撫成嗣屬徵麟鳳之祥萃象美於一門非先世之
 有盛德者不克臻此吾以是嘆守榮公之遺澤長也
 繼繼繩繩大發祥於溫泉重開燿於浣水永為剡溪
 所推尊者可為守榮公預慶矣

皇清雍正三年歲次乙巳春月中和之吉
 歲進士授金華浦江儒學正堂俞拱頓首拜撰

南林公

國清公列傳

朝惠字國清號仰齋者噫此可欣可羨者也曷爲乎
爾以仰爲號蓋取高山仰止景行行止之義焉其命
意豈不善哉其立志豈不尙哉實有仰止之心而惟
恐景行之不逮焉者至其鴻才遠略豪壯之舉罔不
允服故在黨閭間勸善規過靡不周庇言重千金有
鄭公之休風焉至今祭田一頃亦仰齋名塋欲後裔
景行不替萬世則效也配太君竺氏勞媿敬姜賢如
范滂母出二子時有元方季方之目冢嗣紹元字仲
英公者爲人好義慷慨植節有古義士之風蠲有下

陳塘坂書田壹畝五分土名窰壺塘口俾派下奮力
螢窻各列膠宮者爲燈油之費內助竺氏端莊靜一
產六子森森然如玉樹之挺秀也其第五子立晃再
傳無續有田二畝坐乳母後坂永爲祭祀之費子肖
父孫繩祖意其後必有觀光揚烈善於繼志述事者
皆

皇清康熙十五年丙辰天中蒲觴之吉

賜進士兵科都給事都諫柏菴呂 燾頓首拜撰

昂翁先生行述

學子華先以乃祖之行述來請於予洵孝心也然予實未聆其話言未挹其風裁則烏得而述之哉曾記家大人有言言其祖立昂公溫溫恭人其人如玉噫是可知其爲人矣必其處己也無華無競其待人也抗不卑和鄰睦族罔不被其休容息紛解爭莫不感其雅度德積於中光瑩於外固無異於荆山之璞亦無遜於席上之珍雖未獲見售於世實足以寶茲一室是故庭中之桂子蘭孫悉如仙家之瓊花玉樹竚看雲仍發軔扞榮封於錦軸圭璋特達疊寶誥於

盈門浣溪之五桂必然重發祥於剡川宜獻之鴻猷
自爾再輝颺於玉牒此非予之阿言實有知其必然
者謹具數言遺式後裔

嘗

皇清雍正己酉歲陽九黃觴之吉

府學庠生新昌俞大道頓首拜撰

景餘

蘇文姑岳翁黃公暨姑岳母夏老孺人合傳

譜有傳文傳其實也事惟親見行惟久常乃爲實至而名歸斯得信今而傳後姑岳翁黃公諱承法字俊生號靜庵行顯卅三惟才公之長子也余庚寅贅岳家先拜見姑岳母夏老孺人見其儀容偉然衣裳飭然語音朗然舉止肅然心竊異之曰此其爲女中君子歟未幾而姑岳來會但見其骨清其神爽其氣宇端凝其丰姿灑落又心竊異之曰此其爲隱君子之流歟閱歷期年又不爽至癸巳歲延余西席更不爽夫乃始慨然曰誠哉其爲賢夫婦也方姑岳始分居

時田僅數畝屋僅數楹耳姑岳沉靜篤實勵精治產
課晴問雨宜原宜隰另具謀畫智農勤農兼擅其長
斯種植倍獲於他人而天工可代以人事更得姑岳
母才智性生相夫啓家脫簪珥易粧奩不憚艱難自
甘澹泊時有外侮輒全心協力以禦之雖有匪人莫
之敢欺也如此而日新富有漸履豐裕宜也又何倖
耶不但已也太翁贈以奩產一十畝屢資所爲每襄
不逮又能增益而絕無驕盈一惟樸素之是敦而勤
敏之是尙如此而恆久不已夫倡婦隨黽勉同心家
道又安得不興乎至其奉事雙親甘旨備進定省溫

清寒暑無間故二老常相顧而歡然曰豕子豕媳勤
儉若此孝敬若此吾宗其必有昌大也姑岳有弟庠
名魯更友愛之弗替姑岳母於妯娌間更善處之絕
不聞有詈言詬語致乖手足夫一門之內孝者孝友
者友耕者耕讀者讀內外整肅男婦雍和庶民之家
可不謂休哉且夫婦二人同喜修捨並樂施與宗族
鄉黨多沐周卹而性尤愛風水當夫歲晚務閒請師
遍覓得非全美更圖其上今所卜萬科山藏風納秀
正其佳地也自葬姑岳後日新月盛非其明徵歟生
一子一女子庠名琮是余保結遊泮女配樓名登國

學長孫良佐選入成均孫及曾孫林立堦前此其歷
年久而余所親見者也嗚呼姑岳去今已一十餘載
前仙逝時固非凡較今之田園愈加增廓矣今之大
厦另建寧居矣今之子孫疊取功名矣非姑岳之有
爲不能開創而非姑岳母之內助多賢始終不懈其
又何以相乃夫子翼若子孫哉實至名歸信今傳後
斯其選也余忝附至戚知之甚悉爰率筆搆此以昭
示來許云

浙進士特恩揀選文林郎愚姪堦鄭彥頓首拜撰

齊寒暑無間姑二弟常時臨而憐然曰家子家賦性

英特處士承良公傳

邑之西村有富順者張與黃聚族而居余先秉鐸其地見里之人敦仁讓崇朴素秀則歸學朴則歸農人無遊惰蓋有仁者風意其中必大有人在焉訪之張子乃爲我告曰噫近今來未之或聞先有黃姓承良公者真古之人其行事類皆正直剛方閒與鄉人處對讀書人卽勉以立上達志陶侃分陰毋蹉跎遇農夫輒勸以克勤克儉乘時播收毋怠荒子則教以孝弟則教以悌終日侃匕談無非此等事小子後生見者無不俯首帖服間有一二馳騫浮華者望之不敢

近爲族中長是是非非無毫末偏自有黃公而俗漸趨於淳公雖謝世數十年至今聞其餘風焉噫晚近來未之或聞而必於古人中求之也余假館十餘載各如所云無異詞竊思夫公以實行而轉移風俗至久不敝人特不自修耳誰謂此事必異人任哉若是而稱曰鄉先生沒而可祭於社者其在斯人歟公令嗣三淑女四長君述先公篤實端方年臻杖朝仲迪先出繼弟承德爲嗣季宏先公皆爲仁人君子目前孫曾元均忠厚老成是所稱積善之家後世必有食其報者向顧未知公卽外兄沈廷聞之外祖也時以

族修宗譜告竣欲爲追表其事而乞言於余余方恨
生晚不得接見顏色爲幸愛慕之餘時眷眷未有忘
爰述其所稔聞於張子者而序之以爲後之輜軒採
風俗而登於史冊焉

邑庠生頑仙商殿颺拜撰

咸豐辛亥重修

三五

黃正先言 卷三
 咸豐辛亥重修
 三五
 黃正先言 卷三
 咸豐辛亥重修
 三五



越翁先生行讚

黃公諱承豪字越生號爾傑秉性賢良處己接人有
禮爲人正直往來然諾無欺金石同心有耕饁如賓
之雅長幼合德有荆感無分之誼賢昆契如金玉令
子美似鳳麟玉樹森森克繼當年五桂書香藉藉將
開異日聯鑣此皆德之所致福有攸歸也公之胞兄
承英公予之岳父也博聞強記畱心地理有郭璞之
名無出以嫡姪榮先爲嗣甲寅秋黃氏家譜開雕展
覽之下見有標功勳於王室傳理學於聖門庭闈篤
孝海宇揚名代有名人指不勝計於是知源遠流長

咸豐辛亥重修

岳父之醇謹老成不亞於越生之渾穆者洵非無自

云云不具其詳也

各異皆以誠致榮決後國甲寅海黃刃案

皇清雍正十二年甲寅季秋朔旦

閏吳日經離此督齡邑庠生姪壻裘綱頓首拜撰

于美以鳳繼王樹森森克繼當平正林書香蘇

文雅亮也合齡亦傑鳳無長文慈賀昂

顯德人五言卦來然器無棋金不同小

黃公翰承稟宇缺生繼爾粉秉卦寶耳

越餘表生

旭如黃翁行畧

恩貢張燾
生

翁諱明先字旭如秉性耿介不苟同於流俗質尙樸實不喜炫夫紛華其奉親也不懈甘旨事兄也克敦友恭待猶子如己子撫育婚配罔不周畢教子以義方謹遵庭訓皆歸正道中年斷絃守義不續此誠人中之傑堪爲坊表者也翁素嗜酌卽傾斗而不亂雅好碁雖竟日而無倦假開張以嬉遊嫺醫術以濟世不斤斤於錙銖種草澆花安閒自在所云隱君子者是耶非耶然又非一味清高不諳時務者凡遇族黨公事則挺身擔任及有不平之舉必抱公伸理卻又

和易近人非專尚激昂以戾俗也予三兒為翁子壻
故得約略其行以著美非好諛也表其實耳

不引其外微然蘇草露林安閑自亦復云爾保千春
我妻難言日而無容知開題以數致微醫術以濟世
中文精壯氣壯表皆此位素習四時心術不廢經
衣薪數與隨皆體五數中平潤絲中善不蘇此婦人
文恭持餘千收百千無有微酒罔不風學
實不寡也夫德華其奉膝此不難甘旨
像輯用決字此收乘卦想介不待同外處俗資倘對

此收黃絲汗暑

主 恩賞 燾

歐固琮翁黃老親翁傳
然不效其長必效其短
余怪世之人有同父而等諸異姓同宗而視若塗人
者未嘗親翁之顏薰翁之德卽翁之行事而一思之
也翁係俊生公子也單傳翁一人諱琮字可宗號尊
先邑庠生也生而誠篤少年有老成風好讀書披吟
不絕寒暑比長以親年近邁未便身任家務翁鼎力
而恢擴之廣阡陌美奐輪洵得陶朱倚頓秘術而孝
以奉親和以處族喜排解樂施予種種善行不勝殫
述翁惟次第行之而慕翁者以爲此猶其分內事也
無足異所異者翁有養兄一人名助先暨邑周姓人

翁視之不啻如同胞然乃父俊生公在日以助先既已撫養婚娶嗣後撥產分肥只許管不許賣坐產亦不得輪值諄諄遺命訓之再三翁遵父囑授產一十五畝地貳片園一個屋二間慨然予之略無吝色助先死子良盛甫六歲翁育養之如己子聘娶吳氏生三子立業成家向非翁之培植而何以至此夫乃知翁性仁厚雖非同宗而友愛而周恤之者勝如同父而世之連枝骨肉肥瘠異視參商各處者聞翁之風亦可以少媿矣胡天不弔年未及艾而終天道之報施固如是其不可憑耶雖然不於其身必於其子孫

自古有明徵矣嗣君二長廷贊次廷參皆身立成均
孫六人繩繩濟美書香競振掇藻采芹將來雲衢奮
翮指顧間事耳孰非翁之厚德積而流之者歟書曰
積善之家必有餘慶蓋於翁信之幼嗣君廷參余之
堂妹丈也余知翁之生平最悉會逢輯譜之餘敢出
俚言以表翁之行述於萬一云

昔

乾隆三十五年歲在戊寅季夏中浣之吉

歲進士候選儒學眷晚生張錫勇拜撰

外祖述翁大人傳

傳者傳也傳其人也人有可傳有不可傳不可傳而傳揄揚無益可傳而不傳厥德弗彰余外祖黃氏諱述先字顯文幼讀宣聖之書長務神農之教孝親敬長出自性成立身行己俱屬天真衣冠有古樸之風禮貌無佻健之習言法言行法行不侮鰥寡不畏強禦鄉黨間有爭競者明其曲直片言卽服閭閻中有貧苦者周其不給己財勿惜素履坦也能絕不肖之心偉節勁也知鮮近今之慮蓋落落有古人風外祖母張氏系出名門嫻內則習禮法敬事舅姑力相夫

子鄰里目爲女中君子一女郎余家太孺人賢不勝
述子二長毋舅良浩才德出衆甲於一方肄業杏林
不負良相之擬次毋舅良漢樸誠有餘克紹前業德
重碩彥年臻杖朝夫婦齊眉諸孫繞膝
聖天子榮封錫爵直指顧間事至若克勤克儉家中
資財日裕置產業建宮室後裔可享其成日施茶夜
施燈行路共受其惠人每以此交羨要不足爲外祖
重其齒德並尊福壽兼隆誠非易覲余故自忘空疎
率筆而爲之傳以垂不朽云


邑庠生外孫陳宗器頓首拜撰

語卽論之於道躬耕自樂絕不涉戶外事處里黨間
抑抑自下寧人負而未嘗有負人事至老不見長吏
面居常戒子弟輩曰非有過人才寧刻鵠效伯高毋
畫虎效季良也其恭儉下人之聲稱公雖辭世有年
至今嘖嘖人口不衰表舅氏二長良泮慷慨正直次
良潤小心謹慎均能式廓前猷何莫非舅祖之義方
有訓也公之行事卓卓若是設起先王而慎選端人
焉其殆所謂州之長歟黨之正歟此豈非古處自敦
而賢豪中難其人哉時黃族譜將告竣母舅沈廷彥
卽舅祖之子壻也屬文於余余竊慨夫世風不古想

見舅祖之爲人有超越庸流萬萬者夫古有匹夫而
化鄉人矣使用公之道以變今之俗黜華崇實歸真
反樸當不獨鄉之人有賴焉爰不揣固陋約述其生
平以荅所命使愛公墓公者得考實錄云

表外孫庠生璠田錢世瑛拜撰

即論之於道窮理有變遷不特戶外事
 其始自漢唐宋人與國未嘗有負人事
 而後世之變遷非有過人才守則其
 事皆效學夏也其來後下人之弊稱公
 至今頃頃人口不實去身氏三長良涉
 及國小心謹慎均能悉依經率本潔田
 不以蒼西命勢變公慕公春餘家實殺
 其意言不論其文人亦敢誠愛不辭因
 於後人矣勢風公文歡以變今文谷
 具與顯之孫人亦鼓效萬萬春夫古亦



其由斯九公暨配陳孺人合傳
余自戊申秉剡鐸於其間之奇品懿行必覩縷誌之
將以使凡爲士者倣焉嘗出城西行四十里號富順
鄉山川明秀土田膏腴漁讀樵耕怡然自得是必有
異人處也其時父老告余曰黃氏曩有太學生斯九
公者真奇傑士併德配陳孺人尤多懿範焉余細訪
之知公諱佐號廷贊才識過人爲一鄉謀安全至周
且密村北多水患向立晏公廟以慶安瀾後年久崩
頽賴公倡捐重新復糾會置常飪田拾畝零以緜歲
時祀典如公行訟總不離乎慷慨急公者近是公辭

世孺人經理內外二十餘年廣增阡陌太煥門閭俾
後嗣蒙業而安垂裕無窮且其志遠大時助諸幼螢
窻勤讀銳取功名又數樂善好施比鄰待孺人舉火
者不下數十家非巾幗中之難能而可貴者乎迄今
孺人往矣厥子三或補臬司吏員或享遐齡贈迪功
郎或援例入成均孫曾亦崢嶸露爽有德者天必佑
族之人猶稱導其事不衰余歸而忻然曰是卽所謂
奇品懿行也古稱陰陽合德梁孟之芳徽劉樊之仙
侶公與孺人殆其流亞歟日思所以形諸楮墨而無
其由適浣水纂譜公長孫岐山爲邑諸生來學乞序

以爲後裔法余不忘父告語耳熟焉故能詳也又烏
忍以不文辭哉是爲序

肯

皇清嘉慶歲在重光協洽宿月下浣之吉

剡州外史古麗州周咨詢拜撰

文翁行誼傳

黃翁諱文者係乾公之二世孫實輝公之令子也翁夫人樓德協坤貞生子三長啓榮次啓富義方自領而幼啓忠尤穎悟過人與纂宗牒二女可云相攸諸孫輩亦挺然玉立是皆翁以德獲福方興未艾也余得綜生平而述之翁自幼達家政助父創業誠總角時裕大成器焉比及弱冠日用飲食寧樸毋華寧儉毋奢逍遙畎畝間行吟澤畔宛似懷葛之民諺云濁世真士惟翁當之至壯與強仕日待人接物則更有異與富者處無諂容與貧者交無驕態殆善學端木

氏乎約信近義言固可復然諾不苟財亦能輕殆得
力於仲氏乎常戒子弟自處處人宜善畱餘地不可
仗勢盡行亦不得負財自露操云寧使我負天下人
不使天下人負我翁殆卽其言而反之歟余先祖就
館三十餘年知翁最悉後年邁居家屢稱導以勗余
不然余與翁生異時居異地亦安能綜翁之生平一
一詳述其梗槩聊爲家乘光哉

龍飛嘉慶辛未年季春吉旦

邑庠生瞻山張令炳拜撰

以惠敬述先烈文由藝全工於建年器也
夫子孫莫不欲表揚其宗祖矣顧必倩學士文人搦
管爲之雖興會淋漓詞條豐蔚大抵阿諛之譽多耳
孰若子孫自述情至無文爲實錄也我顯祖太學
待贈徵士郎斯廿三公諱輔字廷參材質天授至性
過人少孤失怙與伯祖析爨時甫十三齡孝母敬兄
依然天性全賴太祖母維持家務德配祖母張氏瞻
山明經旌若公女慈孝兼優與祖守成創業以是得
素封焉祖長慷慨有大志魁梧俊偉濟人之困扶人
之危見義必爲見險不避恆稽距村數十里山名馬

槽岡蜿蜒迴環矗出雲表望氣者以爲夜冲牛斗江
右巨商奉憲開煽銀礦居人甚憂之蓋是山非止
一鄉保障實爲一邑屏藩遐邇洵以騷動重以憲
令莫敢抗惟焦思待斃已耳我祖談笑自若座上客
常滿有智計高深者創其謀祖斟酌而定之復不惜
重貲往呈大憲情詞慨惻司府爲之動容輒更前
令出示諭禁至今勒砭山岡永垂不朽祖雅好儒術
居常勗子弟以折節讀書邑中捐置鄉試路費田卽
慨捐路東坂一百十七號四田三畝零土名雞籠坵
以惠士林又旁通曲藝令工倕製一器必出自新裁

罔不精妙子三人長春二十公英年爲邑廩膳文詞
壯麗書法工雅善寫牡丹能爲剡西重望次春廿八
公卽鏡父列成均嘗遊幕南閩當途者甚契之幼春
三十五公疏狂遜世祖母得享遐齡皆叔養之力鏡
弱冠祖與伯父相繼逝父執鏡手而悲曰汝祖多樹
德宜獲報我始祖尙書令始則扇枕事親繼則詣東
觀讀未見書爲其才而兼孝能揚名以顯親也今後
唯汝念哉鏡泣而志之不敢忘幸賴前人餘蔭少遊
庠卽食餼方期置身雲路上光宗祏不料中道坎坷
屢困闈屋嗚呼已深負前人之屬望矣茲當譜牒告

竣使前人偉烈湮沒勿傳是又罪之至大也夫歟
龍飛嘉慶歲在重光協洽又宿月朔嫡長孫軒鏡述
於芳桂堂之譜局志之不短志幸願爾人翁烈少

麟蕭未及書錄其本而兼率諸君各以願歸此令

於宜勤耕在缺順尚書合領限風林畢膝繼限詣東


願返脈與印父脉繼波父持歸手而悲曰此脈參

三十正公瀨玉幾州脈母歸享繼儲皆志養之

公明 變脈如以嘗後幕南閱當發者其美之也春

採靈書若工報善流地民翁無院西重望定春廿八

國不辭幾千至人其春二十公英年為邑稟謝文



求五姑丈廷泮翁行述爾與因與益門辭矣翁大人
禮云至敬無文父黨無容言乎尊親之前恭肅在心
不以虛貌飾詞爲也吾於姑丈何獨不然今率筆而
爲傳贊要亦本實意以紀其實行非敢漫爲侈陳者
矣姑丈諱良泮字廷泮行斯三十八姑祖丈宏先公
之冢嗣也吾之伯曾祖守璉公爲姑丈之外大父伯
祖永武公卽姑丈之岳翁也世有親誼人無間言至
今從父行稱姑丈之品槩卓然在耳姑丈生而穎異
歲時來至外祖家舉動端莊言辭慷慨識者知己成
爲偉器宅相之稱豈虛語乎吾伯祖是以重其爲人

復聯秦晉之姻焉長益狀貌魁梧行誼卓越表表於宗族鄉里間藝黍稷則孝以事親隨杖履則悌以敬長聯棣萼則友以待弟大端洵無所虧矣卽其嚴氣正性不苟同乎儕俗人皆憚其剛介以爲凜然難犯顧正直足以服衆非若朱家郭解之流游俠慄悍者比也至於躬秉家政崇節儉黜浮華務勤劬儆游惰業遂日新月盛能式廓其前猷此固由姑丈操持之力而姑母亦與有勞焉舉丈夫子二長啓龍次啓鳳皆恪遵義方從遊太學有邁衆超羣之目二女一適求二適金得佳壻而有彌甥固慶溢門楣矣孫六人

列成均者有四其二則習舉子業將來黌沼採芹蟾
宮攀桂拭目俟之而且曾孫秀發方興未艾是我姑
丈之光昭前烈垂裕後昆皆實行所致因之享遐齡
彰令望名聞郡邑德重賓筵非幸也宜也吾亦傳其
實行而已敢有虛詞乎哉

昔

嘉慶乙亥律中應鍾上浣之吉

廩膳生內姪夏沛霖頓首拜撰

善不長潤公行傳

江夏文強公忠孝開基閱五十四世而公出焉公諱
良潤字增富行斯四十七顯廿五毓初公孫萬三十
四宏先公幼嗣也公貌魁梧質性剛毅不欺弱不畏
強是非曲直一衷於理嚴正持己和藹接人人由是
不敢犯亦不至怨躬督農桑早暮弗辭勞率子弟樹
藝教以方循循有序積數十年辛苦始而微寒者漸
慶小康拓基建豎輪奐聿新置阡陌以承祀事囑遺
永守計密且周復立書田俾子孫奮志螢窻名列黌
宮者膏火之費善端甫舉天卽報之長嗣啓閨之次

子仁功採泮芹焉公酷愛詩書文人學士造謁者備
極珍重予邑呂公增廣生飽學端儒赴館經富順公
必止宿焉歛曲殷勤論古今得失纖毫不爽呂公嘗
爲予道及予因知公之賢超出尋常萬萬辛未春公
嗣仲君啓聞季君啓閒聘予西席課子姪仁元仁和
讀時公已辭世二君禮儀周至仁元仁和輩舉止動
容有則小子具成人氣象予肅然驚何風範之美善
乃爾詢之弟子曰先祖遺教也始恍然信呂公之言
不謬久之與里中縉紳先生遊談及黃公皆嘖嘖稱
羨不已益恍然信呂公之言不謬而弟子之言有徵

也竊念公之深仁厚德後必有達人適黃氏宗譜重
修聞閔二君乞傳於予予自維謏陋文不足傳公行
實足以傳率筆而書之或藉公行之傳以傳予文也
幸甚遺囑附后

崑

龍飛嘉慶辛未仲秋吉日

新昌後學俞應儀頓首拜撰

鄉賓啓淋公行略

亡亥余館雅軒齋淋翁長子岐山來學余與翁交最
久嘗熟識其爲人迄今秉鐸婺州適黃氏會修家乘
岐山罔辭道遠造謁請序余素不喜譽人顧秉直筆
以闡潛德庶得其公與是乎翁自少而壯壯而老持
已質潔近古不具論論事親先意承顏靡弗至恭兄
友弟有古姜肱風其敦倫有如此者教子因其材秀
者務學朴者力田且女從姆訓婦主中饋莫不各就
其範易曰婦子嘻嘻悔吝而翁知所戒其正家有如
此者居鄉公而恕不因熟而附之不因寒而鄙之排

咸豐辛亥重修

難解紛比鄰泯相煎之釁卹孤矜寡同室免何恃之
傷詩曰剛不吐柔不茹而翁能取法其嚴肅慈惠有
如此者美哉處叔季而爲人若是當必克昌厥後矣
翁細君樓正位乎內生子四一入膠庠一列成均其
餘宛如老農老圃女二淑配名門孫六七人嶄然頭
角皆翁潛德所致可以信今而傳後者也如有所譽
則余豈敢

肯

嘉慶辛未年仲春月餘旻干剋山來學余與係交是

金華府復設訓導張基臺拜撰

左修職郎黃公文松先生傳

廣文黃君永修予中年契友辛亥秋重修家乘督理其事以知皇考之深莫如予持行狀乞予一言表先人德予曰唯唯予館君家四載先大人待予優一切嘉言懿行歷歷在目予嘗欲筆之書以爲家子弟法而未暇也今日之請正愜予意奚辭謹按行畧次第敘之公諱啓聞字文松行春四十九文強公五十五世孫良潤公仲嗣也公生有異資讀書日千餘言家故貧年十二失母恃承父命輟讀就耕稍壯理內外事以幹聞良潤公嘗云松兒外出一日不歸吾一日

不樂見愛若此知公少能負荷有過老成者矣年四十九丁父艱先是去宅數里許有山曰萬科良潤公信青烏家言得之薨衆口紛紜羣以是爲吉壤公不可曰相此地必不吉卽吉鄰塚纍纍忍病人以自利乎議遂寢踰十載餘卜葬於陳塘坂搗臼井公之置此田也非爲塋兆計歸公後談形勝者咸以佳城譽無意而得福地時人以爲公厚德之報公篤孝友父病侍湯藥晝夜不解帶數月葬父以己域附其側曰九原有知使吾得常依膝下也與兄弟析爨田產器用悉讓受惡居與季弟隔一間凡有異味必招其嘗

談笑自樂不離晨昏至白頭毫無眵眦隙長女適應
姓壻鶴九勤學士也窶空公力飲之名列膠庠次女
適任姓壻不務恆業諸甥無所依公揭其全家收養
俾成立三女適俞姓家無分產公贈奩田十餘畝周
以器用無缺惟四女適張姓無掛慮公持己方直處
世雍和深得張公忍字訣人或以非禮干公大度置
之絕不與較間有抱憤來愬者公婉言曲喻無不渙
然冰釋年七十府學博廉公長者賓之鄉上其行於
大吏贈額曰品行端方洵無愧矣公起家力穡而酷
好讀書三十五分炊三十七廣文生甫就學卽建家

塾延師教讀擇從弟子佳者共爲策勵踰數年廣文與嫡從兄仁功仁元並採泮芹公志益奮曰讀書必期上達建功業留百世芳始無負祖宗望豈博一衿已哉庚寅聘予課其孫教廣文就傅孝廉鑑湖先生門鄉試歸卽持其文示予公生平未嘗習舉子業而喜閱時藝每出己意論文章得失時有令人首肯者間或朗誦前元魁墨衡獲雋程式曰兒文似不及也予大奇之援古徵今往往於天人相係禍福相關之處達前人所未達足補傳註之缺予益奇之知公於讀書一道非特志之篤抑資稟有大過人者倘得英

年從事其識力所至當不知登峯造頂何如也道光
乙未三月二十一日卒易簀先時呼肩輿迎門我將
去噫聰明正直生則爲人死則爲神信其然歟并謂
子曰吾年踰古稀四代一堂死復何憾所未慊者汝
屢試屢薦未售不知何日得仕耳勉之勿懈服闋廣
文負笈肄業敷文書院從山長陳鍾麟前輩遊恐功
名難卜援例入貢候補訓導分發浙江試用冀得委
署先慰父靈再赴棘闈自戊子至辛亥一十餘科力
戰不衰承治命也村有董姓者家貧債富欲鬻媳以
還廣文竭力周全負己者讓負人者持錢代償俞某

養母無資鬻妻袂將分舉家哭哀甚廣文聞而止之
贈以錢穀并囑子共助焉戚胡氏年少守節兼以孝
慈稱饗飧無繼廣文周恤十餘年胡氏卒賦詩徵挽
諸名士和之不下數十請旌邑尊收孤於家撫養成
人娶錢公女以妻皆遵公遺教公最憐饑溺廣文善
繼先志道光二十四年夏剡西水災巨浪浸天如排
山倒海而至金潭適當其衝屋不壞者百無一二男
女漂沒八十三口廣文憫之與太常寺錢公捐己金
數千率子廷梁往撫存亡兩感 上憲以其義聞於
朝

天子大喜格外褒嘉命紀廣文大功數次廷梁出力
錫予九品職銜公其有靈應快然欣慰歟甲午冬予
以老辭歸公肅衣冠送之依依不忍捨握手訂後會
未週一載而公訃至幽明已隔聚會無期矣竊維公
之神明已杳予老且病安克久存黃泉路近當亦會
公不遠茲八十有七猶靳餘生者以知公莫如予公
行未傳予不可去今而後可無憾矣公享年七十有
三父以子貴例授修職左郎德配董君早逝良潤公
命葬於萬科之麓繼孺人張賢有德遠近稱之子一
孫六元孫五玉立森森青雲直上廣文年甫服政行

將恩沐 天府 綸誥頻頒予拭目以觀揚輝於史

冊

皇清咸豐元年桂月 吉旦

婺東學弟胡 雅拜撰

公不辜茲八十有少餘海濱主香心吹公其吹于公
家惟期古香字家且漸與友入許黃泉報後
宋國一尊而公信至幽國江兩來會城
更家稱德是爾文藻滋文於於不感於于
雖言式品維濟公其育靈顯於於於於
天子大算於於於命賦讚文大也耀志於於出也

資政敬述叔父文

叔父諱啓閔行春五十九先君子胞弟也持身恭謹處世溫和先大父寢病侍湯藥不少懈薨殯村外三里許廬墓二年餘寒暑無間性友愛昆季三人食同案寢同榻後因食指繁衍不得已析爨然猶食息起居不離晨夕怡怡然一如未析時也生平最愛讀書與先君子暨叔啓鳳公共延師課修輩二十餘年無一日不至塾待先生忠且敬教弟子寬而栗修自束髮受書凡一言一行具蒙叔父教獲益良多當是時聘石城孝廉甄仙洲夫子主講里中有東邑友某年

少知文歲歉輟學遊岷思改業習會計叔父得其情
勸之讀次年授館訓蒙士學俸足以自給併爲請業
於甄甄憐其貧愛其才不受修脯而陶成之逢試勸
同人助資斧後遊東邑庠學品兼優爲士林矜式族
叔某家貧身故遺三歲孤親戚無可依叔父撫育之
俾成人立業焉孀氏元配張無出繼孀氏錢善事翁
孀先意承志理家政井井有條叔父嘗臥病三年孀
氏給參藥無缺而產業且增其式廓以故先大父器
重之舉昆仲二長兄仁風以岐黃術濟世貧家不受
資起死回生者往往有之子二孫六皆頭角崢嶸仲

兄仁元邑庠生性質直作文喜規撫先輩不屑俯慕
時樣所交多知名士三子二孫俱樸誠可愛次子珏
韶字玉馨考各振聲從邑廩生裘鐘夫子遊英年入
泮文筆清剛書法端楷所造未可量實吾家後起之
秀要皆叔父之所留遺也修忝列廣文下棘闈者十
有三矣所恨屢戰屢北不能慰叔父於九京茲當修
葺家乘不敢有溢美之詞惟據實以誌叔父之行畧
云爾

龍飛咸豐元年

姪永 修謹識

黃氏宗譜

卷三

咸豐辛亥重修

少知文業款暇學... 致承...

請祭如豐示平... 分足...

云爾... 不...

其來不姓... 美之...

律三矣... 不...

衣要... 不...

判文... 不...

結字... 不...

補... 不...

或... 不...



趙查貢生鳳翁先生傳

予秉鐸剡中與先生交最密甲午冬先生計至予悚然驚爲悲淚者久之踰三載丁酉幼嗣君理中持行略丐予序予與先生結契不下十餘載文先生者非予而誰不敢以不敏謝焉先生諱啓鳳字鳴岐行二系出江夏自漢尙書令文強公以經術起家閱四十一傳至玉玟公由穀來遷富順其間文人蔚起詰士迭興瞻望典型曷勝景仰先生則玉玟公十五世孫也髫年卽姿稟岐嶷狀貌英挺早爲尊大人廷泮公所鍾愛謂此子語雖期期如周昌異日成偉器者必

在是稍長彌祇恭服勤不辭觴豆受惡最難得者從
夏太君慈命析產伯兄闡得瘦土先生甘遜以膏腴
人以是稱先生友讓可追蹤魯直云其材識練達每
有籌畫如燭照數計而龜卜因茲增其式廓阡陌雲
連堂構霞蔚富同陶白授例入太學以明經徵得佐
司理牧然先生以乃祖經術傳家當無失故物子姪
輩束髮授書輒延各宿主塾待之忠且敬束修恆倍
蓰於人遇課期必親至塾監督爲東道主極豐腆使
師衡其藝而甲乙之出楮墨犒賞以相獎勵同學寒
微者兼助膏火資以故子若姪接踵黌宮蜚英騰茂

至今都人士猶嘖嘖稱道弗衰黃氏舊有宗祠歲久
將頽先生集族中幹達議葺鳩工庀材樸斲丹雘煥
然一新纂修譜牒捐百金爲族人倡身爲董理校刊
無遺力先生可謂尊祖收族哉他如成輿梁砌道路
賑匱乏樂善好施殊難枚舉待親戚交遊尤慷慨坦
白有紛難出爲排解無不帖服時人比之魯仲連有
自來矣至於閑家有則一遵文強公家法行其庭嘻
嗃無聞元配沈孺人舉一子仁惠續配馬氏性幽閒
善襄家政井臼親操奉九旬邁姑甘旨非手調不敢
進不速客來供具能頃刻辦生子理中飲食教誨視

咸豐辛亥重修

沈子無少異此雖孺人之賢淑亦由先生刑于之化
 物恆並飭以致之宜乎長君從遊璧水次君翔步泮
 宮皆磊磊落落疎財仗義綽有父風也憶丁亥小春
 先生與孺人六袞雙慶子若孫介眉晉爵綵舞繽紛
 凡屬知交靡不敬祝康強予曾集詞壽諸錦軸緬茲
 盛會如在目前今其不可復得矣畧舉俚語用副嗣
 君之請并以誌予交契有素先生有靈不笑予疎且
 陋否耶

道光丁酉三月上澣之吉

年家眷弟岷縣學教諭葛星垣拜撰

樂明國學生仁惠公傳

公諱仁惠字安美號愛棠貢生鳴岐公長君也母氏
沈早逝繼母氏馬撫之如已出公亦克盡子職幼習
舉業甫成童見乃父操作多勤劬思服勞以體親心
遂輟舉業援例入成均佐理家政鳴岐公庭訓嚴少
不憚呵譴立至繼以鞭朴公小杖受大杖逃嚶也作
孺子泣其天性然也善懋遷商販於武陵姑蘇歲往
返數四星霜就道雨雪載塗不辭荒瘁權子母恆三
倍身無私積鳴岐公以中人產而式廓日增漸至富
甲一鄉半由公生殖所致所謂肇牽車牛遠服賈用

孝養厥父母者非歟季弟理齋馬孺人所自出公友
愛夙敦三復棠棣不敢忘愛棠之號蓋所以志也家
內煩瑣事悉身任之不以聞於季俾得矢志芸窗希
圖上進每赴試輒同舟往理齋好交遊多酬應公聽
其揮霍不少吝是理齋之聲蜚泮水譽噪儒林公亦
與有力云不第此也族衆議葺宗祠公遵嚴命董其
役飭材量食料理周至纂宗譜躬爲校讐不遺餘力
蘇郡閭門之南濠剡與暨陽舊有館舍湫隘不容商
衆苦之公共籌畫更諸爽塏至今客吳中者如歸可
樂卽次無虞公誠可謂光前裕後謀略過人者矣惟

性耽麴蘖仲榼堯鍾不忍一日離與同祖弟藜齋最
契家居每邀與共飲飲輒醉然與之論事無纖毫模
糊聞乃父履聲卽肅然屏息醉而不至於亂也惜乎
享壽不永僅四十有六而卒倘得天假之年則老成
而加之練達英銳而濟以和平不更有進乎哉配氏
俞生子珏棟入太學農商並業以幹聞俞先公卒續
配張生子珏金少年醇謹恂恂有儒雅風予與公弟
理齋交最厚因得以知公之爲人茲因黃氏重修家
乘予不忍公之湮沒爰傳其略以授之梓
咸豐元年辛亥孟冬

風豐元辛辛亥孟冬

眷弟邑廩生裘

鐘拜撰

乘于不區公之恐恐受其其也對之林

野響交是原因特以味公之為人故因黃刃重參案

重遊主于狂金少辛辛辛辛辛辛辛辛辛辛辛辛辛辛

命主于狂棘人太學豐商並業以特開命去公卒蘇


而吹之棘教英鎗而獨以味平不更亦數平昔而凡

幸壽不亦誓四十有六而卒命辭天知玄

隱聞以公歎嘗暇肅然氣息漸而不至其謂也昔平

哭案其神激與其煇煇神神然與之備喜無嫌無難

卦如酸莫神蘇養驗不惡一日猶與回脈流蒸聚是



平水敬述宗叔忠翁行畧

叔父諱啓忠公行春五十二伯祖良文公幼子從父
命承良公祧公祇父恭兄敦宗睦族遠近無間言
與先君交最契朝夕過從談古今忠孝事亶亶不倦
先君嘗謂余曰叔父長者一言一行皆堪爲後生小
子法余謹誌之不敢忘嘗憶嘉慶年間族建宗祠輯
家乘兩事並營越三年而告竣公兼襄其事建宗祠
則鳩工庀材不遺餘力輯家乘則正名定分殫厥精
心急公緩私三年如一日都人士恆嘖嘖稱道勿衰
吁予因之有感矣嘗見世之營私殖貨者上思光前

下思裕後百計圖維長憂不足漸至建大廈置良田
人皆羨之慕之已亦詡詡自矜一旦遇小利害若履
春冰若蹈虎尾身將前而且却口欲吐而仍茹粹有
蠅頭微利無論祖先血食親戚膏腴顧利而不顧義
處之若昧焉者聞公之風其亦可以少愧矣嬖母張
幽閒貞靜勤儉持家生三子長仁洪次仁浩創家立
業幼仁治少年老成同理家乘主會計司出納精明
練達而出以渾厚和平洵足嘉焉孫五曾孫三頭角
崢嶸皆後起之秀公之遺澤所留正未有艾也公享
年七十一生於乾隆二十九年甲申九月廿四日丑

時卒於道光十四年甲午三月廿三日子時予也忝
居宗末得悉公之行誼爰不揣固陋約略而爲之序
昔

龍飛咸豐元年歲次辛亥應鐘月上浣之吉

宗姪仁元敬述於芳桂堂譜局

咸豐辛亥重修

咸豐辛亥重修
 黃氏宗譜
 卷三
 咸豐辛亥重修
 三



黃仁亮暨續配張孺人傳

公諱仁亮字金璋號增美黃氏啓瓏先生冢嗣也公幼狗齊出就外傅姿稟穎異甫成童迫於家計輒棄讀佐父理家政務本力農旣弱冠以幹聞啓瓏先生式廓日增置膏腴建大廈公亦與有力焉其爲人也敦朴素不慕繁華不趨勢利與人交汪洋大度有祖憲風昆玉四人友愛無間季弟仁安異母所出公愈鍾愛後因食指繁衍不得已析爨田宅器皿共相推讓析爨後公卽新構棟宇大其門閭元配氏張清化延盛公女也早世子女無所出時公方踰立年以嗣

續爲重已娶黃邑毛氏爲副室鼓盆後續娶德配張
係二十八都惠連公長女有賢德逮下不妬忌視毛
氏如姝姊行毛氏僅生二女張孺人亦連擊掌珠三
慮宗祧莫繼勸公廣置姬侍公以遲速有命逡巡不
果孺人屢爲敦促更置側室張氏期年餘而舉丈夫
子孺人欣幸不自勝撫如己出名之曰珏祥志熊罷
之喜也不數年又舉仲男曰珏禧珏禧方五齡而公
已歸道山矣夫公生平無赫赫之名而有恂恂之實
雖其刑于有道行於妻子要亦張孺人之淑德無愧
螽斯膠木也公歿後孺人支持門戶井井有條與毛

張二氏羣處和集無嘻嗃聲鄰里親戚咸稱誦弗衰
珏祥昆弟勤儉立業綽有父風其母儀令善亦槩可
見矣行看孫枝秀茁珠樹成三其昌熾正未有艾非
孺人其曷克致此余故樂爲敘述之以付諸梓而光
家乘云

皆

龍飛咸豐元年歲次辛亥十月之吉

邑廩生裘 鐘拜撰

咸豐辛亥重修

三才



[Faint, illegible vertical text columns, likely bleed-through from the reverse side of the page.]

附貢生黃君理齋墓誌銘

理齋諱理中原名仁通姓黃氏漢尙書令文強公五十六世孫也幼習舉業歲乙酉與予共執經於蕭邑孝廉長山徐夫子門下時予未冠理齋長予七歲一見卽以畏友目予謂予文筆豪邁當非久羈轅下者交最密甫一年而長山夫子以赴禮闈不果至遂分席然應試必同寓家居旬日不相見必折柬邀聚蓋膠漆不過也遊庠後復共硯於鑑湖家夫子門不半載予以母氏謝世讀禮輟舉業而理齋亦無志上進援例入明經後予以舌耕餬口理齋輒館予於宗祠

內命子珏信受業爲東道主供億豐腆朝夕聚首者
三年時理齋先君子鳴岐公已逝世母氏馬年八旬
爲卜壽域於某山之原引余同遊因指而謂曰我歿
後當葬於墓側以侍晨昏君等其爲我執紼乎余笑
而諾之不數年竟先母而卒噫是可哀也理齋爲人
慷慨仗義有古任俠風幼乳於俞媪也故有子而理
齋烏哺終身不少怠族人某與人忿歐夷其左股理
齋出爲排解費白金百餘訟因以息尤善交遊平時
座客常滿樽酒不空以故父喪致客不亞季良而自
奉素約朝餽暮粥白苧紫茄宴如也非誠雲量覆人

霜儉律已者哉今人席先人遺業厚自享以華廡相
耀及見貧苦親朋踵門告貸曾不肯分雁鷺之餘以
持贈視拔一毛如剗心頭肉甚或忿然作色待告者
跼蹐不敢出一言逡巡自引去矜爲得計聞理齋之
風其亦可以少愧矣雖其平生落落自豪不拘小節
上交恐涉諂媚禮貌多疎見有趨奉勢利者輒鄙夷
不屑由是不利於口然而單寒之士切切依之視彼
上諂下驕世故熟而天真漓或得或失當必有能辨
之者理齋以嘉慶五年六月十七日生卒於道光廿
八年十一月初四日年四十九歲元配氏樓生三女

咸豐辛亥重修

早世側室李氏珏信其所出繼配范無出以某月日
 耐葬於母塋之側成其志也請銘於余余因述其交
 契之厚與其善之可傳者以見於余文銘曰其死
 也如生其亡也如存慈幃永侍惟乃佳城既安且固
 以利其後人
 大清道光二十有八年十月之吉

邑廩生硯弟裘
 鐘拜撰

其壽序堂歡壽高其閨閨淑德輝于各發
率以夏太君八秩壽序
西山挺秀高連天姥之峯剡水流香遙接鮑姑之井
雲璈吹下和春鳥以齊鳴仙醞捧來溢溫泉而恆滿
萼綠華降臨之所代產名姬玉清娥來往之區時彰
壺德恭惟太夫人早歲銘椒弱齡賦菊風規咸奉爲
女師蘋藻夙嫻夫姆教以芳乂之淑女配江夏之賢
郎咏好述者諱云良泮誠是良人稱令嗣者長曰啓
龍次名啓鳳有無黽勉鴻妻舉案以如賓蓄旨殷勤
陶母剡薦而召客式觀彤管人誦女宗載繹緗編羣

推母道蓋闡範之克隆爲閨門所由盛履珠出蚌便
生照乘之光諸女勝衣已擅解圍之技雕龍繡虎本
機上之麗文挾藻摛華亦神針之餘巧真可以軼桓
孟而無慚兼郝鍾而特勝者也憶自于歸卽占宜室
荆釵屏飾守樸素以常貞徃媿持家積儉勤而益勵
孝舅姑則族稱賢媳和妯娌則人無閒言甲週而後
相夫子於賓筵古稀以還策名駒於國學始也春筍
非糧難飼叔敖之子秋蘆作絮聊衣任昉之兒繼乃
率以婦功漸臻美富課厥農事馴致贏餘田園旣增
其式廓堂構復高其閨閔恩勤鞠子各策成均士衡

則兄弟齊名孝穆亦昆季並重郟林選得品是停鸞
溫鏡下來才皆詠絮而且門中羣從盡爲渥水之駒
膝下諸孫都是藍田之玉是則筆精墨妙悉推本于
璇閨佩玉垂紳總沂源于珠閣劬書聳午夜將大振
其家聲含飴弄諸孫並欽崇夫壽母茲乙丑端月之
辰爲太君八旬之慶是日也蕙華正茂萱草方鮮筵
前桃實落落千年階下菖蒲枝枝九節金甌濺水都
奉穎谷之羹玉竿傳觴競進餘杭之酒鼓瑟者靈香
稱觥者弄玉嬖女出意錢而至羿妻亦蹴鞠而來謙
於壬戌之秋曾稅華堂之駕觀黎瓊仙之丰姿耐老

知鄙夫人之神明不衰幸因製錦以介眉遂矢俚言
 而晉爵佇看紫誥華封頌來帝闕青鳥壽籙錫自仙
 家欣添籌之未艾莫名海屋春秋羨景福之難量不
 數人間甲子斑衣隊裏求觀十賚之文金母堂前敢
 效八公而祝

嘉慶歲在旃蒙赤奮若春王正月穀旦

賜進士出身知縣事年家眷教生沈謙頓首拜撰

其來皆合韻美齋將並越崇夫壽世越了正德氏之
 嘉慶歲在旃蒙赤奮若春王正月穀旦

賜進士出身知縣事年家眷教生沈謙頓首拜撰

賦詩不來木背精繁而且國中羣翁盡為戲木之賦
 限民策齊谷奉懸衣風季並重松林懸壽品長壽靈

夏太君九秩壽序
嘗讀高士傳慕萊子之綵衣誦闕宮詩羨魯侯之燕
喜天倫可樂壽考維祺而况鶴算益年六甲週而逾
半鯉庭捧杖雙丁侍而皆全自非信石德厚積和順
於鸞闈奚能嘏集襍翔協康寧於鴻範恭惟姑母大
人秉心淑慎曾吞女史之花受教工容卽製天孫之
錦玕璜修飭無忝閨箴婉婉聽從不違姆訓知素嫻
乎內則克善事夫高堂及歸我姑丈廷泮先生也佳
耦曰配而琴瑟以和祥女入門而僕媪皆喜上盡滌
隨之誠寢門同肅內爲藁砧之助中饋主嚴相夫子

以創業克儉克勤和袖娉以持家不吳不敖鹿豈無
車共仰桓少君之令範鴻真有案羣推孟德耀之高
風固宜慶溢慈幃祥占郎舍雲成五色石麟錫自天
邊懷墮雙鈴明珠化於掌上斯皆姑丈德門之瑞寶
姑母內治之休者也至夫破鏡塵生茹荼心苦敬姜
論著逸勞懼隕聞乎穆伯歐母訓傳仁厚必推本於
崇公若姑母者義則兼師嚴還代父悵望夫之石贖
肯百身擇游子之隣廬經三徙長君啓龍璧水揚眉
克副荀龍之選次君啓鳳槐市翔步已躋薛鳳之班
繞膝盡屬佳兒坦腹咸稱快婿而且子婦怡顏孫曾

盈砌綵若葛垂不異瑤環瑜珥森如竹立堪同羯末
封胡旣螽斯之衍盛覺瓜瓞之呈祥一堂具慶奚煩
陳李密之情四代承歡正可隆虞詡之養雖六珈未
咏偕老而五福已享遐齡矣顧或謂交梨火棗餌妙
藥以葆真碧藕冰桃餐神丹以度世絳雪成丸長生
得訣元霜作粒却老有方姑母則情樂含飴性安頤
養杯還浮蟻字藉胡麻背可任飴無須藤杖况復巾
瓶淨契花水勝緣現八芒於藥木永謝病坊開三障
於塵塗高翔慧燭修德獲報美意延年奚事採紫芝
之精餽丹石之髓也哉茲者

盛世化長寶婺星耀二首六身曰亥正逢乙亥之年
八千五百爲春咸慶小春之節獻頌者縱萃而趨躋
堂者黎收而拜莫不進華封之三祝歌天保之九如

沛霖

分居子行諛切梓依扶風堂上原屬從姑直卿


庭前得廁中表向金母以添籌壺凝春酒奏雲璈而
作頌屏敞晨霞憶昔年筵開八秩瓊章曾錫自名賢
看今日圖啓九旬蕪詞用陳於前席惟願恆春樹下
榮盛千秋長樂花邊輝餘四照從茲翟茀以朝大家
應有東征之賦期頤非遠百歲還開北海之樽

昔

龍飛嘉慶二十年陽月上旬穀旦

丙姪夏沛霖頓首拜撰

眷晚生錢錦山盥手書



世化長寶整星耀三首太身曰亥正逢

八千五百為春成應小春之節獻頌者淡

堂書聖教而并美不進華封之三祝歌天保之九如

分屏子行說切梓佳扶風堂上原屬從姑直卿

旋前得福中表向金母以添壽壺聚春酒奏雲璈而

作頌屏敵長霞憶昔年筵開八秩瓊章香錫自名賢

壽今日圖啓九旬樂詞用賦於前席惟願極壽下

慶德下流長樂花邊舞香舞坐幾餘山其手壽大家

應有東征之賦期願非內致夏祈霖勉首我舞

詣派嘉與二十半鬻民土同燦且



太學生啓濤翁壽序

書傳地上佐赤帝以開基政報穎中拔黃堂而作相
南國顯騷人之度東觀宏孝子之恩詩名追玉局以
同高文獻起金華而再美稽諸史策固已代有英流
者矣恭惟濤翁著清門之碩望表仁里於溫泉當剡
西第一之居實江夏無雙之品頎而長焉穆然遠矣
鵷序早登國學鶴算已屆古稀蓋其夙齡卓異懿行
精純板輿奉母晉潘岳之閒居布被依兄漢姜肱之
至性譽自著于一鄉惟敦倫而睦族游已殷於五岳
更嫁女而婚男此大節之無虧爲哲人之先務高尙


其志幽閒其身怡雲之閣三層負郭之田百畝偶然
垂釣寧殊烟簑雨箬之謠時復課畊恪守桐帽椶屨
之製此雅人之深致亦瀟灑而出塵若夫葭葦誼切
縞紵情殷撫趙武六尺之孤守季布千金之諾助贊
以完人配偶排難以息人爭端推食解衣之際固聞
義必爲遵規合矩之餘亦非道不悅笑可比河包老
之蒼顏難霽品還如玉山公之白璧無瑕其晉接之
間且和而有介也至於興廟祠營土木陳平之細心
常帖妥呂端之大事不糊塗有曉夜之勤劬無私毫
之沾染則共服其老成者尤屬翁之能事由是谷神

不渝松齡自致賢傳乎內助梁案齊七秩之眉秀起
其後賢謝砌挺一枝之樹何莫非刑于之化繼以義
方而有此宜爾之休隆夫鄉曲也哉茲當人懷洛社
之英族開宗譜之局紀人紀事旣總理之無慙書月
書年遂觀成之有績爰綴俚句畧表芳規雪舟早訪
于當時霜距樂揮於今日付諸剞劂聿增家乘之光
傳及雲仍用待輪軒之採

嘉慶癸酉年桃月上浣之吉

年家眷弟寶齋莫晉撰

其志幽閒其身怡然之周三層負郭之田
 垂釣竿殊無羨雨笠之爭采香餘實儼莫
 康樂與西平此馬士與女吉而山廣若夫
 與如雲以風卷鱗傳女冠孤守季布千金之諾助贊
 牙當劫灑車樂難效今日於審陪園奉供蓬寒之次
 書平邊購如女之在慈奚孫野以暴表表賦書成早
 女其越開宗譜女員除人除身捐絲駐女
 衣而休休宜爾女於劉夫擊曲出遊茲當人
 其對寶恆幽其六妹女懌何莫非既于女
 不餘餘備自姓覺粉平內胡樂案夜出越女
 鼠夜時



太學生文燦表昆壽序
予憶年方幼學隨至從父家賀節見有貌則頎然聲
則朗然者心竊異之以爲其人罕覩訪諸羣從兄弟
知卽富順之文燦表昆也今予近強仕矣尙徒列博
士弟子員筆耕於溫泉里表昆已六旬有五同里中
咸稱其品行卓犖老而愈純是誠足爲姑丈之令嗣
能高大其門閭者姑丈舉喆嗣二長諱啓龍字文燦
方姑丈創業艱難時拮据操作表昆之力居多至嚴
親逝世敬奉慈闈益覺先意承志焉姑母壽臻九秩
諸親友製屏慶祝鄉邑稱榮再十年而開百歲之坊

表昆正如萊子戲綵以視潘安仁之躬御板輿有過之無不及也洎乎友愛季弟雖分紫荆之樹猶聯花萼之樓田不擇肥器惟求舊其有感於廉讓之風者歟卽處族黨間尙直氣略儀文近乎簡易者所爲而實則惇睦居心每一念及叔父輒曰親親之誼不可忘也悌以事長其在斯乎且爲人排難解紛不獨於本宗爲然外家有事來共商亦力赴其急耳聞不平之鳴傾心助之不畏強禦其剛毅有如此者生平重然諾矜節槩義所當與千金弗惜義所不當與一介必嚴人以是比之季布云若夫建廟修祠造橋砌路

種種義舉口碑載道固悉數之而難終也元配樓孺
人生有三子長曰仁亮謹厚持重克紹家聲次日仁
耀遵父命則揆值本宗之塋從公議則兼承啓方之
祀恩義兩無所負後裔何有相爭者哉三曰仁輝亦
磊落英奇與伯仲偕遊璧水續配劉孺人生子仁安
出就外傳已見頭角崢嶸負千里名駒之目他日展
驥足奮雲衢可翹足俟之矣茲因黃族纂修譜牒名
人俱有列傳品望如表昆者又烏可不序其行誼哉
故謹書之家乘以誌不忘云爾

皆

嘉慶二十年仲冬中浣之吉

邑廩生表弟夏沛霖拜撰

人地... 嘉慶二十年仲冬中浣之吉... 邑廩生表弟夏沛霖拜撰... 咸豐辛亥重修... 黃氏宗譜... 卷三... 三

列女傳

伯母張孺人節孝傳

域中有四大忠孝義外節居其一節難節而孝尤難
節孝而在貧窶更難吾於伯母有感焉伯母系出名
門夙嫻閨訓年二十一于歸伯父仁鈐公敬順無違
言未週五載伯父卒時子珏珍甫四月姑璋七旬有
餘家無信宿糧伯母哀伯父之逝也哭甚氣絕者再
欲卽亡旁解之曰曾有白髮在堂子呱呱泣可從泉
下逝乎伯母不得已理內外事并白躬操紡織不休
婦兼子職以十指錢易饌具粗惡歸已甘美奉邁姑

二十年無怠容姑薨治喪事罄家所有訓子曰數代
血脉止汝汝當勤儉遵祖宗教勿貽他人笑督課農
桑終歲無間日邑尊李公聞之贈扁額曰冰清玉潔
道光壬午採訪使編入邑誌咸豐元年辛亥
上憲詳請旌表佇見綸誥頒宣輝增里黨自堪與忠
孝義並峙域中萬古不朽矣子一孫二會宗譜續修
欲表祖母德問傳於余余不揣謏陋約略而爲之序
龍飛咸豐元年辛亥九月吉旦

外祖母人曾奉身族姪藍生氏鈺田謹誌

黃母張孺人貞節序

鐵性扶人間正氣冰心慰地下孤魂此貞節之所致
非一時可強而襲也孺人張氏新渥廉維公之女幽
閒貞靜素稱閨秀年二十一于歸太學生仁榮黃公
爲室夫義婦順相敬如賓方期百年偕老不幸三載
未滿而仁榮公溘然仙逝時孺人年甫二十三而鐵
石心腸冰霜節操如古詩所云妾心古井水波瀾誓
不起殆堪爲孺人贈焉儒學葛公星垣採風已載入
邑誌贈以節勵冰霜額茲又蒙 憲臺詳請旌表佇
見 皇恩下逮名列貞砥誠盛事也然而青年矢志


白首完貞苦矣亦可哀矣且吾於孺人守節之外更有不忍沒其善者仁榮公初娶同里貢生允堯張公之女爲元配遺一子祥錦孺人于歸親爲撫養珍若琪璧延師課讀名列成均孫三暨曾孫七咸各教以成立濟濟一堂不愧爲蘭蓀玉樹非甚盛德孰能與於斯迄今孺人壽躋古稀含飴之下奉養餘年豈不顧而樂之乎至於持家之道克勤克儉咸稱有敬姜風此猶守節中之餘事耳歲辛亥黃族修宗碣余忝戚末因約畧而爲之序無飾詞焉

肯

世賢人貞節


大清咸豐元年歲次辛亥九月吉旦

邑庠生再晚瞻山張汝梅柏香氏頓首拜撰



咸豐辛亥重修

百首完貞苦矣亦可哀矣且吾於儒人守節
 有不忍視其善者仁榮公初娶同里貢生
 之女為室其子壽錫瑞人年歸親為撫養珍若
 瑣皆延師誦讀名列成均孫三暨曾孫七咸各教以
 成立濟濟一堂不愧為萬葉玉樹非其盛德孰能與
 於斯迄今猶人壽躋古稀含飴之下奉養餘年豈不
 嘉爾變之乎至於持家之道克勤克儉咸稱有教養
 其此其守節中之餘事耳咸辛亥黃族修宗譜余忝
 載末屆執坐再無繼此題將懋香刃隨首我懋
 大衛熾豐元辛亥歲次月吉旦



待贈張老孺人節傳

積善有餘慶不善有餘殃善惡之報如影隨形昭昭不爽古人言之詳矣所可憐者孤寡萃於一堂天下之窮民有四一家已兼其二顛連無告之狀有令人不忍言者而卒能全其節保其孤則善倍尋常而天之報賜亦異嫂張氏同庄仕功公女歸先兄諱仁廣本期百年偕老不幸先兄逝世未卜三年之好僅存八月之孤嫂氏年二十有二而寡當時毀容滅性不難從夫地下視呱呱者在床上緜血食下紹箕裘豈能舍之而逝乎嫂氏矢志守節撫孤主中饋操井臼


工紡績不辭勞瘁其持身也嚴氣正性堅如鐵石冷
若冰霜其接物也不畏強不凌弱和而介恭而有禮
巾幗中具丈夫氣象將見青年矢志白首完貞詔頒
天上榮增地下固其所耳而孰知天不永之以年天
之報賜善人竟若是乎然而男婚女嫁已畢生平之
願所謂四時之序成功者退是耶非耶特是天之報
賜善人亦未始無憑也嫂氏一子一女子珏義秉性
剛強正直一種率真之氣撲人眉宇得端人碩士陶
成之其人大有可用孫二長通權次通聖聰明俊秀
皆後起之英地下有靈庶幾可少慰耳予也因族修

家乘不敢忘嫂之苦節緣約畧而爲之序

皆

龍飛咸豐元年歲次辛亥應鐘之吉

叔仁元謹誌於芳桂堂譜局




黃氏宗譜

卷三

咸豐辛亥重修

三才木堂



黃母張孺人家傳

辛亥冬溫泉黃氏纂修家乘予以事至其局取所葺
列傳莊誦之獨惜其於仁惠公德配張孺人之賢不
贊一詞似未恰意因不揣固陋爲補叙之以彰幽光
焉孺人系出名門幼嫻姆教父諱良茂爲女相攸少
中雀屏之選者故十年不字時仁惠公方驚別鵠耳
賢名求委禽焉于歸後鴻案鹿車相爾夫子靜好是
敦仁惠及服賈他鄉定省有曠孺人甘旨滫瀡得翁
姑歡妯娌無間言前氏俞遺二男三女長珏棟甫成
童次珩梁僅六齡耳孺人飲食教誨視如已出男就

傳訓無曠儒素之功女奉母儀倍督女紅之課所尤
難者汪梁頸患瘰癧腐穢難近孺人朝夕手爲洗滌
積五七年不少怠遍訪良醫以求治療雖修短有數
不可救藥而孺人之心可謂盡矣未幾長媳金氏病
卒又遺五歲孫貞乾呱呱待哺鞠鬻辛勤命也何如
天乎已酷爾乃遭家不造實覲閔凶孺人方四十有
二而仁惠公又主芙蓉城矣斯時也邁姑馬氏逾七
秩幼子汪金甫解讓梨上有白頭下有黃口孺人以
婦兼男以祖代母四世一命有不啻茹荼集蓼者兼
以兄嫂繼逝家道清貧遺姪孤苦伶仃無以存活孺

人推食食之解衣衣之俾各成立婚娶里黨間咸嘖嘖稱道弗衰噫如孺人者非巾幗中之巨擘乎哉今孺人年五十七矣珏棟列北雍業農商以幹練著珏金恂恂有老成風度孫貞乾亦頭角崢嶸行將繞膝含飴優游以樂餘年知天之所以報之者正未有艾也斯乃潛德歷久彌芳以付諸梓未識可與所葺列傳並垂不朽也否耶

昔

龍飛咸豐元年歲次辛亥小春月中澣之吉

邑庠廩膳生眷弟裘 鐘拜撰

諸侯與豐天平歲次辛亥小春月中...

春並遊不跡也否...

出深代等熱想人...

舍論對執也樂餘...

金辭辭高去如風...



節孝黃母喪孺人傳

節婦德也其貞心擬冰蘖其勁操比松筠曰甘節曰苦節節不同而皆可以節旌之以見立節之非易易也至苦節之尤而兼以孝著則黃母喪孺人有足稱焉孺人爲予族顯昆公女邑廩生黃鎮中前輩之冢媳而玨璵公之德配也年十八賦于歸玨璵公夙癯痼疾孺人椎髻布衣井臼親操供藥餌無缺甫八年玨璵公遽赴玉樓之召其爲未亡人也年纔二十五耳孺人銜感兩髦幾欲捐生姑氏魏含哀止之曰兩世孤嫠家無餘子所依以爲命者唯汝若相從地下

烈矣孝何有焉孺人由是忍耐三思勉從姑命顧念
亡無所出宗祧莫延謀諸姑知有季叔珏坤自幼被
匪人所掠存歿未卜孺人卽出資命人四出尋訪久
無耗姑有姪女適石城者託爲代覓懸重賞以招歲
餘有率珏坤來報者姑驗之信孺人慨然酬賞不食
前言得叔後如獲拱璧時家已中落賴孺人匿田數
畝以存活亟爲擇配問名於張氏輒併擋裙釵服飾
爲聘娶資妯娌雍睦歡然無間張生子通源甫三日
孺人身爲撫養視如己出後又連舉二男孺人卽邀
親族立約將通源承繼故夫珏璵爲嗣又以先代書

香不可使斬紡織以佐其讀婚娶之事處理悉當其事姑也以婦兼子其教兒也以母作師姑享年八十去歲五月間無疾而逝殯葬如禮通源文思新穎綽有乃祖風今孺人青年矢志白首完貞其節也彰也若是而所遇之苦茹荼集蓼有不足盡其形容者爾乃竭甘旨之奉謀宗祧之延無在非孝思之不匱焉所謂苦節之尤而兼以孝著者夫復奚愧異日者大吏採風表揚而旌榮之而嗣子通源將來馳譽膠庠蜚聲甲第以尊養其親則由苦得甘予於孺人可豫爲賀也通源從予受業丐傳於予予諒不容辭因畧

敘之以備彤史之採

龍飛咸豐御極之年歲次辛亥孟冬之吉

邑庠廩膳生裘鐘 拜撰



